



Tausiga o i Latou e Lē Tagolima

AOTELEGA O LE 2023

*o Le Ekalesia a Iesu Keriso o
le Au Paia o Aso e Gata Ai*



Faasino Mataupu

- 3 Savali mai le Au Peresitene Sili
- 4 O La Tatou Tautinoga e Tausia
- 5 Auauna atu i Lou Nuu
- 6 E Amata le Alualu i Luma i le Lalolagi Atoa i Tamaitai ma Fanau
- 8 Tagata o le Ekalesia i Faatinoga
- 10 Faifeautalai o Loo Aunauna Atu i Isi
- 12 JustServe

[GALUEGA] FAAMA'ITE I LE LALOLAGI ATOA

- 14 Aotelega o Taumafaiga
- 16 Toomaga mo Faalavelave Faafuasei
- 18 Vai Mama ma le Faamamaina
- 19 Aoga
- 20 Galuega
- 22 Tausimea Faalesiosiomaga
- 23 Tausiga o le Ola Maloloina ma le Mafai Ona Feoi

- 24 Fafagaina o e Fiaaai
- 26 Lagolago mo Fale
- 27 Soifua Maloloina Faalemafaufau
- 28 Ola Tutoatasi

FESOASOANI I LE LALOLAGI ATOA

- 30 Aferika
- 32 Asia
- 34 Ausetalia, Filipaina, ma le Pasefika
- 35 O Le Keripiane
- 36 Amerika Tutotonu ma Amerika i Saute
- 38 Europa
- 39 O Sasa'e Tutotonu
- 40 Amerika i Matu

FAAFETAI LAVA

O PUNAOA

Faavaa (mai luga agai i le taumatau); Ua fesoasoani se alii talavou i tamaiti ia latou meaaoga; O se tina ma se afafine i Hong Kong; Ua maua e se aliga i Initia le tausiga o le vaai [mata]; Ua ataata se tamaitai talavou i le goto o le la; O tagata o le Ekalesia i Guam o faamamaina le nuu ina ua mavae le Afa o Mawar; O loo saofai se tamaitiiti i Yemen i luga o se atigipusa o mea na foai atu, o le ata mai faaalologa a le ShelterBox; O tamaiti o loo faapisipisi i le vai mama, o le ata mai faaalologa a le WaterAid/Jerry Galea; O se tina o loo sii lana tama i le taimi o le siakiina o meaai paleni, o le ata mai faaalologa a le Polokalama o Meaai a le Lalolagi.



O Peresitene Russell M. Nelson ma ona fesoasoani e toalua, o Peresitene Dallin H. Oaks ma Peresitene Henry B. Eyring.

Uo Pelē,


A o i ai Iesu Keriso i le lalolagi, sa Ia tuuina mai ni poloaiga sili se lua: ia alofa atu i le Atua ma ia “alofa atu i le lua te tuaoi ia pei o oe lava ia te oe” (Mataio 22:39). A o tatou saili e faaali atu lo tatou alofa mo le Atua, e masani lava ona liliu atu o tatou loto i le soifua manuia o isi. O Keriso lava Ia na faia le faaitaiga o le alofa atu i o tatou tuaoi a o Ia faamaloloina ē na mama’i, fafaga ē na fiaai, na faalavalava ē na le lavalavā, ma na tausia e vaivai.

Ua faalotomaualaloina i tatou e faasoa atu leni aotelega o a tatou taumafaiga e faaaau ai le galuega paia o le tausiga o i latou o ē le tagolima. E ui o le aotelega e aofia ai punaoa ma auaunaga na tuuina atu e fesoasoani ai i tagata o le Ekalesia, ae o se vaega e sili atu ua tuuto atu i le faamatalaina o fesoasoaniga alofa na tuuina atu i fanau uma a le Atua i le lalolagi atoa. I le ave ai ma soo o Iesu Keriso, tatou te manatu i leni mea o se tiute ma se avanoa fiafia. Matou te faailoa atu ma le agaga faafetai ia sao lē manatu faapito o taimi ma mea e faaoga mai tagata o le Ekalesia, uo, ma isi faalapotopotoga faatuatua ina lea e mafai ai e leni galuega ona alualu i luma ma faalateleina.

Ua ia i tatou le faatuatua ma le talitonuga i le alofa o le Atua mo Ana fanau uma. O loo i ai tagata lelei i soo se mea o e fesoasoani e faataunu le galuega o le faaolataga a le Atua a o latou tausia o latou tuaoi ma faamafanafana i latou i o latou taimi o mafatiaga. Matou te valaaulia tagata uma ina ia auai faatasi ma i matou a o tatou aapa atu i le alofa ma le auauna atu i le tasi ma le isi, ma matou te tatalo o le a faaaau pea ona faamanuia e le Alii leni galuega tele.

O Le Au Peresitene Sili

Russell M. Nelson *Dallin H. Oaks* *Henry B. Eyring*



Sa mau e tagata taitoatasi i le Tolauapiga o Tagata Sulufai a Ifo i Kenya se fesoasoani e ala i se galuega faatino faifaatasi a le Polokalama o Taumafa a le Lalolagi ma le Ekalesia a Iesu Keriso o le Au Paia o Aso e Gata Ai.

“Ou te faafetai i tagata o e, i auala laitī ma patino na o atu ai ma saili na tagata na i ai i vaega sili ona le faatauaina—o i latou o e manunua, o i latou o o latou tiga e le malamalama i ai, o e fiaai, o e tuuatoatasi, o e ua olopalaina—ma faia mea sili latou te mafaia e tausia ai i latou.”

—ELDER PATRICK KEARON,
KORAMA A APOSETOLO E TOASEFULULUA¹

O La Tatou Tautinoga e Tausia

E saili Le Ekalesia a Iesu Keriso o le Au Paia o Aso e Gata Ai e faasafua atu le tausiga i se aofaiga faateleina o fanau a le Atua o loo manaomia le fesoasoani. O lenei tausiga e oo mai i le tulaga o taumafaiga o le uelefea ma le ola tutoatasi, fesoasoaniga alofa, ma auunaga volenitia.

Taumafaiga o le Uelefea ma le Ola-Tutoatasi

O taumafaiga o le uelefea ma le ola tutoatasi e muamua lava ona manuia ai tagata o le Ekalesia ma e aofia ai le lagolago o taulaga anapogi, oka o meaai, polokalama faaleaoaoga, auunaga mo galuega, lagolago mo le soifua maloloina faalelagona, ma isi mea.

Taumafaiga i Fesoasoaniga Alofa

O le tuputupu ae silisili i le galuega a le Ekalesia e tausia i latou e le tagolima o loo faia e ala i le aapa atu o fesoasoaniga alofa. E ala i le faatupeina ma oloa, e lagolagoina ai e le Ekalesia le faitau afe o galuega faatino o galuega alofa. O nei galuega faatino e manuia ai le faitau miliona o fanau a le Atua i le salafa o le lalolagi, e aunoa ma le manatu i ituaiga, tagatanuu, po o faifaiga faalelotu.

Auunaga Volenitia

O le auunaga agaalofa a tagata o le Ekalesia ma uo o se vaega taua lea o le uelefea, ola tutoatasi, ma taumafaiga agaalofa. E fesoasoani foi le auunaga volenitia ia i latou i o tatou lava nuu o e atonu e manaomia le fesoasoani. Ua naunau tagata o le Ekalesia e “tauave avega a le tasi [ma le isi], ... faanoanoa faatasi ma e faanoanoa; ... ma faamafanafana atu ia te i latou o e e manaomia le faamafanafanaga” (Mosaea 18:8–9). O se vaega taua leni o le fesoasoani ia i tatou ia avea atili e faapei o Iesu Keriso.



Agavale: E auauna atu tamaitai talavou i Atenitina e ala i le fesoasoani i o latou tuaoi e faatau mai meaai ma mea e faaoga i le fale. Taumatau: O tamaitai i lapani o loo vaaia ma tausua faatasi se togalaau.

Auauna atu i Lou Nuu

I le Mosaea 2:17, ua tatou iloa ai, “pe a outou auauna atu i o outou uso-a-tagata, ua nao lo outou auauna atu lava lea i lo outou Atua.” E sili atu ona mafai ona tatou ausia sini maua luga o le auauna atu i o tatou uso a tagata ma auauna atu i le Atua pe a tatou mulimuli i mataupu faavae autu o le tausiga o i latou e le tagolima.

E ui e toatele tagata e manaomia le fesoasoani i le salafa o le lalolagi, ae o le suiga sili ona aoga ma umi ona tumau e tupu pe a tatou atinae o tatou lava aiga, tuaoi, ma nuu. Pe a auauna atu i soo se tulaga, mafaufau i mataupu faavae nei:

1. Faailoa se Manaoga

E tofu nuu uma ma tagata e manaomia le fesoasoani.

- Fesili atu i ou tuaoi ma taitai o le Ekalesia e uiga i avanoa e auauna atu latou te iloa.
- Aoa e uiga i faalapotopotoga e le sue tupe i la outou eria. I nofoaga o loo maua ai, faaoga le JustServe.org e sue ai galuega faatino ma faalapotopotoga e le sue tupe i la outou eria.

2. Fausia ni Sootaga Anoa

O le auaunaga e sili ona mataalia e masani lava o le taunuuga lea o le galulue faatasi ma isi o o latou talaaga po o fegalegaleaiga faalelotu e ese mai ia te oe lava ia. Manatua o tagata uma e te auauna atu i ai o se atalii/afafine o le Atua e tatau ona taulimaina ma le malamalama, alofa, ma le faaalalo—e tusa lava po o a o latou tulaga.

- Faamuamua le tagata, ae le o le galuega faatino.

- Fesili i ou mafaufauga, tuu ese le faailoga tagata, ma saili ia malamalama moni i papupuni o feagai ma i latou o loo e saili e fesoasoani i ai.
- Faaali atu ou talitonuga e ala i au *faatinoga*, ia manatua o le sini autu lava o le tuuina atu lea o le fesoasoani i isi. Tuu atu i au galuega lelei e tautala!

3. Fai se Fuafuaga

Fuafua ni fofo e fetau ma manaoga vave ma saunia se ala i le ola tutoatasi. Valaaulia i latou o loo e auauna atu i ai e auai i le atinaega o vaifofo e ala i le fai atu fesili e pei o nei:

- *O le a se mea ua uma ona e taumafai e talanoaina ai lenei manaoga?*
- *O le a se mea e te manao e faataitai?*
- *E faapefea, o afea, ma o fea e te manao e maua ai le fesoasoani?*

4. Faasoa Atu Ou Aafiaga

E mafai ona e musuia isi e faatino e ala i le faasoa atu o auala ua aafia ai oe lava ma isi i lau auaunaga.

- Faaoga talanoaga o aso uma e ta’u atu ai i isi e uiga i le olioli o le auauna atu. Valaaulia isi tou te auai faatasi.
- I luga o ala o faasalalauga faagafesootai, faasoa atu ni faataitai o auala ua faamanuiaina ai lou olaga ma olaga o i latou na e auauna atu i ai i au taumafaiga agaalofa.
- Mulimuli i faalapotopotoga e le maua ni polofiti e te lagolagoina, ma faapipii i au lava tala o le auauna atu.



O tina o loo opoina a latou fanau.

921 galuega fesoasoani alofa e taulai atu i tamaitai ma tamaiti

e 114 atunuu na aafia i galuega faatino na taulai atu i tamaitai ma tamaiti

“Matou te mananao e faamanaina aiga . . . Faatasi ai ma le malamalama ma punaoa sili atu, ua sili atu ai ona saunia [matua alolofa] e faia ni suiga e mafai ona i ai se aafiaga tumau.”

—PERESITENE CAMILLE N. JOHNSON, PERESITENE AOA O LE AUALOFA²

E Amata le Alualu i Luma i le Lalolagi Atoa i Tamaitai ma Tamaiti

O tagata o Le Ekalesia a Iesu Keriso o le Au Paia o Aso e Gata Ai e talitonu i le mulimuli i poloaiga sili e lua a le Faaola: ia alolofa i le Atua ma ia alolofa i o tatou tuaoi. I le ave ai ma se vaega o lenei poloaiga, tatou te saili e faateleina lo tatou aafiaga ina ia faamanuia e a tatou taumafaiga e le gata ia i latou o e maua le fesoasoani ae faapea foi o latou aiga ma nuu.

I le atiina ae o lenei mamanu, ua iloa ai e Le Ekalesia a Iesu Keriso o le Au Paia o Aso e Gata Ai le taua tele o le faamuamua o le tausiga o tamaitai ma tamaiti i le lalolagi atoa. I le fesoasoani ai i se tamaitai e toatasi, matou te tuuina atu ai ia te ia meafaigaluega e faamanuia ai olaga o lana fanau ma le nuu. E ala i le faamuamua o le tausiga o fanau, tatou te teu faafaigaluega ai i le lumanai. Ma a tatou faaaofia ai alii ma tamā i lenei galuega, tatou te faamalolosa aiga ma nuu uma.

Taumafa Paleni a le Tamaitiiti

I le 2023, sa ave ai le faamuamua a le Ekalesia i meaai paleni mo tamaiti o tulaga uma, foai atu ma le lima foai i faalapopotoga faatuatuaaina, e aofia ai le CARE, Helen Keller International, Catholic Relief Services, Save the Children, The Hunger Project, UNICEF, ma le Polokalama o Taumafa a le Lalolagi. O lenei lagolago na fesoasoani i le faitau selau afe o tamaiti ma tina i le salafa o le lalolagi ia maua ai meaai paleni, tui puipui, ma isi ituaiga o tausiga mo le soifua maloloina.

E faopoopo atu i nei foai, sa faatautaia ai e le Ekalesia lana lava polokalama o meaai paleni, ma tulimatai atu i le fesoasoani i fanau a tagata o le Ekalesia o e ua lamatia ona o le matelaina o le tamaitiiti. Sa fesoasoani foi le Ekalesia e fausia togalaau o le lotoifale ma foai atu ni mea faigaluega e fesoasoani ai i le siakiina o meaai paleni mo tamaiti i nisi o eria i le lalolagi atoa.



Sa maua e se tina ma se tamaitiiti ni meaai i se toluauapiga a tagata sulufai i Kenya. Atapue mai faaaloologa a le World Food Programme.

Tausiga o Failele ma Pepe Fou

I le 2023, sa galulue ai le Ekalesia e faaitiitia le pasene o failele ma pepe maliliu ma tuuina atu le tausiga sili atu mo tina ma a latou pepe. E ala i le galulue faatasi ma le UNICEF, sa mafai ai e le Ekalesia ona saunia ni nofoaga ma auaunaga ua faaleleia atili mo le soifua maloloina ma tui puipui mo tina ma fanau i le Ripapelika o Aferika Tutotonu, Haiti, Mali, ma Mozambique.

I Kana, Filipaina, ma nai isi eria i le lalolagi atoa, sa foai atu ai e le Ekalesia ni masini e fesoasoani ai i fomai i le tausiga o pepe fou o loo i se tausiga ogaoga. I le Iunaite Setete, sa galulue ai foi le Ekalesia ma le Asosi a le Atunuu mo le Siitiaina o Tagata Lanu (NAACP) e faatupe ma faafaigofie le polokalama MyBaby4Me, lea na fesoasoani i tina maitaga e aoao pe faapefea ona tausia a latou pepe.

O nei taumafaiga ua fesoasoani e faaitiitia ai le numera o tina e maliliu, faaitiitia ai le tulaga lamatia o faafitauli faifai umi o le soifua maloloina, ma faaleleia atili ai avanoa e ola ai pepe na fananau vave e lei oo i le taimi e tatau ai ma mamai tigaina i le lalolagi atoa.

Aoga

I le 2023 atoa, sa faaaauu pea ona tuuina atu e le Ekalesia le faamuamua maualuga i le faaleleia atili o le aotauina mo tamaitai ma fanau o tulaga uma i le salafa o le lalolagi.

Faatasi ai ma isi taumafaiga, sa galulue faatasi ai le Ekalesia ma Caritas i Arequipa, Peru, e faalatele le ola tutoatasi o tamaitai o e o ulu o o latou aiga. E ala atu i lenei galuega faatino, na maua ai e tamaitai ni aoaoga faalegaluega lea na mafai ai ona latou atiina ae ni tomai fou ma saunia lelei ai mea mo o latou aiga. Sa faafaigofieina foi e le Ekalesia le toe faafouina o potuaoga ma foai atu ni masini e faaleleia atili ai le maua o aoaoga mo tamaitai i le lalolagi atoa.

O Avanoa e Auauna Atu Ai

O le isi auala o loo saili ai le Ekalesia e faalatele le matafaioi a tamaitai i o latou nuu o le faafoeina lea o avanoa mo tamaitai e faatino ai galuega auauna atu. E faataunuuna muamua lava lenei mea e ala i le Aualofa—o le faalapotopotoga a tamaitai o le Ekalesia—lea na faavaeina faatasi ma le poloaiga e tausia tagata taitoatasi ma aiga e le tagolima. Faatasi ai ma sui auai i aulotu i le lalolagi atoa, ua tulagaese ai lava le tulai a le Aualofa e faatulaga taumafaiga faavae i nuu i le lotoifale. O lenei mea ua tuu atu ai i tamaitai le tele o avanoa e faipaaga ai ma faalapotopotoga i le lotoifale ma tamaitai o isi tapuaiga ia faia le lelei silisili mo i latou e le tagolima.

Faamalolosia o Aiga ma le Nu

O le faaleleia o le soifua maloloina ma le soifua manuia o tamaitai e aafia ai le aiga atoa. O taumafaiga uma e faamalolosia aiga ma atinae le ola tutoatasi e faia ai se aafiaga lelei i olaga o tamaitai ma, e ala i le faalatele atu, i le lumanai o o tatou nuu. I le 2023, sa faafoeina ai e le Ekalesia le faitau afe o galuega faatino o galuega alofa, tuuina atu punaoa ma polokalama e aoao ai, ma faaaui ona tagata i le lalolagi atoa i le galuega e tausia i latou e le tagolima—faatasi ai ma le faamoemoega o le siitiaina ma le faamalolosia e le gata i tagata o le Ekalesia ae o fanau uma a le Atua. I le tuuina atu o lenei fesoasoani mo matua ma tagata tausii soifua, matou te faamoemoe ia sili atu le faaanofaleina o aiga ia tuuina atu ai le tausiga lea e manaomia e tamaitai ia manuia ai.



O tagata o le Ekalesia i Guam o loo faamamaina le nuu ina ua mavae le Afa Fulifao o Mawar.

E talitonu tagata O Le Ekalesia a Iesu Keriso o le Au Paia o Aso e Gata Ai i le mulimuli i poloaiga sili e lua a le Faaola: ia alolofa i le Atua ma ia alolofa i o tatou tuaoi. E faaali atu e tagata o le ekalesia lo latou alolofa e ala i auaunaga.

O le auauna atu o lona uiga o le aoao ia iloa ma taulima manaoga o se tasi. E faapoopo atu i le auauna atu i tagata i a tatou aulotu i le lotoifale, tatou te saili atu ma le agaga tatalo i avanoa e auauna atu ai ia i latou i fafo atu o lo tatou faatuatuaga e ala i galuega faatino i nuu ma isi faamaite.

Tatou te taumafai e mulimuli i le faataitaiga a Iesu Keriso i le tausiga o i latou e manaomia le fesoasoani—e tusa lava po o a nofoaga, ituaiga, tagatanuu, itupa, talitonuga faalelotu, po o fesootaiga faapolokiki—e aunoa ma se faamoemoe i ni mea e toe maua mai ai.

Faatinoga a Tagata o le Ekalesia

Ua i ai i tagata O Le Ekalesia a Iesu Keriso o le Au Paia o Aso e Gata Ai se matafaioi taua e faia i le galuega o le tausiga o i latou e le tagolima. I le avefa ai ma se vaega o la tatou feagaiga ia alolofa i le Atua ma alolofa i o tatou tuaoi, e anapopogi tagata o le Ekalesia mo le aso e tasi i masina taitasi ma foai atu ma le lima foai le tau o taumafataga ua misia ina ia manuia ai isi tagata taitoatasi ma aiga i totonu o le Ekalesia o e o loo manaomia le fesoasoani.

E le gata i lea, e auauna atu tagata o le Ekalesia i o latou tuaoi ma nuu, e ofo atu o latou taimi, taleni, agaalofa, mea e faaoga, ma mea tautupe o se vaega o le “faleteuoloo a le Alii” o punaoa e fesoasoani ai i Ana fanau.

Toomaga mo Faalavelave Faafuasei

Pe a tulai mai ni faalavelave, e masani ona foai atu e tagata o le Ekalesia o latou taimi ma le malosi e fesoasoani ai ia i latou na aafia—e tusa lava po o a o latou talaaga po o talitonuga. I Niu Sila, mo se faataitaiga, sa galulue faatasi ai tagata o le ekalesia ma faifeautalai ma tuaoi, nuu, ma vaega a le malo e faamama tuaoi na aafia i le Afa o Kaperielu. I Korea i Saute, sa vave ona ofoina atu e tagata o le Ekalesia la latou auaunaga ina ua faia e lologa se faaleagaina tele i le Itumalo o Chungcheong i Matu. Sa galulue faatasi volenitia matutua ma talavou e la’uese meaafale na faaleagaina mai fale ma faamama le otaota.

Aualofa

O tamaitai o le Ekalesia sa o se malosiaga maoae mo le lelei i le lalolagi i le 2023. I Aferika i Sisifo, sa talimalo ai tamaitai o le Aualofa i se galuega faatino faifaatasi e faamama ai le siosiomaga ma “Tuafafine Dynamic Sisters,” o se vaega a tamaitai Musalemi i Gambia. Ma sa aoina e sui o le Aualofa i Peru ni meaai, vai, pepa faleletaua, ma lavalava mo i latou na aafia i lologa faataumaoui i Lima.



E ofofua atu e alii talavou o latou taimi, i le teuina o foai i la latou faleoloa o le Deseret Industries i le lotoifale.

Autalavou Matutua

Ua i ai le autalavou matutua i le Ekalesia se gafatia tele e tuuina atu ai auunaga agaalofa mo i latou e le tagolima. Mo se faataitaiga, i Iuta, e faitau afe talavou matutua na potopoto e tuufaatasi pusa meaa mo le galuega faatino o Meaai e Miliona. E ala i la latou auunaga tuuto, na saofaga ai nei talavou matutua i le sini a le Faletupe o Meaai a Iuta e tuupusa le tasi miliona o meaa e fafaga ai tamaiti fiaai.

I Perelini, e silia ma le 700 talavou matutua ma uo a le Ekalesia na potopoto mo se konafesi faaleauunaga i Europa atoa e lagolago ai le Olimipeka Faapitoa o le 2023. Sa latou ofo atu o latou taimi i le ao e fesoasoani ai e faagaioi lenei taaloga mo i latou e i ai manaoga faapitoa.

Tamaiti ma le Autalavou

O le auunaga atu o se malosiaga tuufaatasi mo tamaiti ma le autalavou i totonu o le Ekalesia. Mo se faataitaiga, i Panama, sa asiasi atu ai tagata o le polokalama Peraimeri a le Ekalesia i le Nu'u o Tamaiti o le SOS. Sa latou taaalo ma tamaiti i le nofoaga ma faasoa atu savali o le filemu ma le faamoemoe. E faapena foi, sa faaoga e Marielle, o se tagata talavou o le Ekalesia i Hawaii, lona tulaga o le Miss Teen Filipaina Hawaii e ao mai ai sapolai o meaaoga mo le silia ma le 100 o tamaiti aoga e le tagolima.

I le Iunaite Setete, sa fesoasoani le autalavou o le Ekalesia e faatulaga ni kalapu e faatino ai le auunaga i o latou nuu. Sa amata e Dallas ma Tiernan se tasi o na kalapu i le la aoga i Colorado, ma tosina atu ai le toatele o tagata talavou o le tele o vaega faalelotu eseese. Faatasi ai ma isi galuega faatino i le 2023, sa fesoasoani le kalapu e fai ma tausii se togalaau a le nuu, faia ni palanikeke mafanafana mo gasegase e le toe foi i se tulaga lelei. ma fesoasoani i tagata taitoatasi e saili se malutaga i totonu o lo latou nuu.

“Vaavaai solo. O fea e mafai ona e saofaga ai? O fea e mafai ona e alofa i ai? O fea e mafai ona e auunaga atu i ai? Ona ua Ia tuuina oe iina mo se mafuaaga, ma ua i ai sau misiona ma se faamoemoega iina.”

—SISTER KRISTIN M. YEE,
FESOASOANI LUA I LE AU PERESITENE AOAO
O LE AUALOFA³

E ui o le toatele o tagata o le Ekalesia e auauna atu i totonu o o latou nuu i le lotoifale, ae o nisi ua filifili e tuuto atili atu o latou taimi i galuega alofa. O le toatele o ulugalii matutua ma talavou matutua e faataunuaina se matafaioi faafaifeautalai mo se vaitaimi, lea latou te faatulagaina ai ma auai i galuega faatino e tausia ai i latou e manaomia le fesoasoani i totonu o o latou nuu.

O ulugalii faaipoipo e mafai ona filifili e auauna atu o ni faifeautalai faamisiona o le uelefe ma le ola tutoatasi. E tuuto atu e nei ulugalii o latou taimi e faatautaia ai galuega faatino o fesoasoaniga alofa i o latou eria ua tofia i ai.

O faifeautalai faamisiona e auai i galuega auauna atu o se vaega o la latou auaunaga—e ese mai a latou galuega o le aoao atu e uiga i le Faaola. E fesoasoani nei faifeautalai i faama'ite e tali atu ai i faalavelave faafuasei pe a tula'i mai.

“O valaauga e auauna atu i le Alii ma le tasi ma le isi . . . e tuu mai ai le avanoa e faateleina ai le agaalofo, gafatia, ma le lotomauualalo.”

—ELDER GERRIT W. GONG,
KORAMA A APOSETOLO E
TOASEFULULUA⁴

Faifeautalai o Ioo Auauna Atu i Isi

Faama'ite mo Auaunaga

I le gasologa o a latou misiona, e maua e faifeautalai avanoa e auauna atu ai i ni tofiga eseese. Mo se faataitaiga, o faifeautalai o Auaunaga mo Galuega, e fesoasoani i tagata taitoatasi i totonu o le Ekalesia ia saunia mo ma saili ni avanoa faigaluega. E mafai ona auauna atu faifeautalai i togalaau ma faatoaga a le Ekalesia, faleteuoloo a epikopo, ma ofisa o Auaunaga o Soloaiga. O nisi faifeautalai e auauna atu foi i se tulaga o fesoasoaniga alofa, faamaopoopo galuega faatino ma le tuuina atu auaunaga i faalapotopotoga i le lotoifale e le maua ni polofiti.

Toomaga i Faalavelave

O tausaga uma lava, e faitau miliona tagata e aafia i mala ma faalavelave faafuasei. E masani ona valaauina faifeautalai e ofo atu la latou fesoasoani i nei mea e tutupu e le muai iloina. Latou te fesoasoani e toefuatai mai le faamoemoe e ala i la latou auaunaga agalelei i soo se tasi e aafia ai.

Mo se faataitaiga, i Ekuatoa, na malaga faifeautalai e oo atu i le tolu itula e fesoasoani ia i latou o e sa mafatia ina ua aafia le itumalo o Esmeraldas i lologa leaga tele. Sa latou fesoasoani e asu ese le palapala mai magaala ma mai fale ma meatotino na faaleagaina e le matagi.

I Guam, na tuufaatasia ai faifeautalai ma isi volenitia e fesoasoani i le nuu i le mavae ai o matagi tetele ma timuga mai afa o Mawar lea na faatamaia ai fale ma pisinisi i le lotoifale. Sa latou fesoasoani e faamama otaota, lipea taualuga na leaga, kilia ese laau na mase'i ma a'a, tufatufa atu vai mama, ma faamaopoopo taumafaiga mo toomaga. Sa latou fesoasoani foi e tufa atu lavalava mama, ona o le toatele na leiloloa a latou meatotino patino i le faalavelave.

Auaunaga i le Alalafaga

E ofo atu foi e faifeautalai o latou taimi ma taumafaiga e fesoasoani ai i nuu latou te aoao atu ai, auauna atu ai, ma nonofo ai. O nei taumafaiga e fesoasoani e tausia ai i latou e le tagolima ma faamalolosia ai nuu i ni auala eseese. Mo se faataitaiga, i Uosigitone, D.C., sa tuuina atu ai e faifeautalai faamisiona le auaunaga mo le Smithsonian Folklife Festival. O lenei auaunaga na fesoasoani e aoao ai le nuu i tu ma aga faaleaganuu faaonaponei, ma aumaia faatasi ai tagata o faatuatuaga ma talaaga eseese.

I Panama, sa potopoto faatasi faifeautalai ma isi volenitia mo se aso o auaunaga, i le faamamaina o le gataifale, aoina o meaai ma isi mea e manaomia, tilivaina o pusa mo le tumama faaletagata lava ia, ma auauna atu i se maota mo matuatausi.

Ua auauna atu Elder Dean i lona nuu e ala i le tuuina atu o le tausiga o fale ma fanua i le Nofoga Autu o Tagata Tauaso o Nevada. Na saunoa ai Elder Dean. “Mo aso o totoe o lo'u olaga, ou te ... manao e tuuto atu agai i le fesoasoani atu i isi, ae le na o le vaaia o au lava ia.”²⁵

Savali mai le Au Peresitene Sili



Luga: O tamaitai faifeautalai i Farani o loo fesoasoani i se tamaitai e teu ma la'u ni pusa. Agavale: O se faifeau faamisiona o auuana o loo tuuina atu le auuana i le Falelusi Tutotonu a le Ekalesia i le Lalolagi. Taumatau pito i luga: O faifeautalai tamaitai matutua o loo taitaia se polokalama e 12-laasaga ma pagota tamaitai. Taumatau pito i lalo: O se faifeautalai matua o loo auuana atu e ala i le fesoasoani i le teuga o fafo o se nofoaga lauiloa o le Ekalesia i luga.

O loo maua le JustServe
i atunuu e 17

E 2,037 faalapopotoga
fou na faaopopo i le
JustServe i le 2023

O LE A SE MEA E MAFAI ONA OU FAIA?

- Saili po o fea faalapopotoga e manaomia le fesoasoani i lou nuu.
- Vaai pe o maua le JustServe i la outou eria.
- Asiasi i le JustServe.org, lesitala, ma auai i le atinae!

“O le JustServe ... o se atinae ma se auala e mafai ona tatou ola ai i a tatou feagaiga ... [ma] faamanuia ma faamalositia [le] nuu.”

—EPIKOPO GÉRALD CAUSSÉ,
EPIKOPO PULEFAAMALUMALU⁶

JustServe

O le JustServe o se atinae e fausia le filemu, alofa, ma le lotogatasi i o tatou nuu. E fesoatai ai tagata taitoatasi ma vaega i galuega faatino i le lotoifale, e faalauiloa ai aafiaga lelei ma le lotogatasi a o musuia ai le faamoemoe e ala i faatinoga fefaasoai agalelei. O le JustServe e faafoeina le galulue faatasi i faalapopotoga eseese, aoga, ma nuu e faavae i tapuaiga ina ia faia ai se eseese anoa ma atiina ae ai se agaga o le auauna atu.

Auauna Atu, E Tusa Lava po o Le a Lou Matua

Ina ua matauina e Evan (10) ua le lava siamu i le nofoaga e foai atu ai meaai i le lotoifale, sa tulai loa o ia ma minoi. Faatasi ai ma le fesoasoani a lona tina, sa ia faia ai se vitio e talosaga atu ai mo ni foai o siamu ma sieli [jellies] mai uo ma aiga, lea na vave ona salalau atu i luga o ala o faasalalauga faaagafesootai. Sa auai ai foi uo a Evan i le aoga, e faatulaga se tauvaga e iloa ai po o ai le vasega e sili ona tele fagu e mafai ona aoina mai. O le tali sa lofituina, ma iu ai ina maua fagu e 702. Na tala ia Evan ua iloa ai, e mafai e se tagata e toatasi ona faia se aafiaga loloto—e tusa lava po o le a lo latou matutua.

Auauna atu mai Soo se Mea

I le taimi o le afisasao o Alberta ia Me, sa faaoga ai e tagata o le nuu le JustServe e faipaaga ai ma taitai i le lotoifale ma taitai aloaia e lagolago ai tagatanuu ua aveesea faamalosi mai. O Sara, le tagata tomai faapitua o le JustServe i Alberta Tutotonu, na fesoasoani e faafoe fesoataiga ma le faamaopoopoga e ala i se itulau na tuuto atu i le toe manuia mai afisosolo i le JustServe.org. O se taunuuga, na mafai e tagata na aafia ona maua le lagolago sa latou manaomia—e ui lava o le tele o foai na aumai mai tagata i fafo atu o lo latou nuu.

Auauna Atu i Lou Tuaoi

A o malaga taamilo atu le Maternal Outcomes Matter Showers (MOMS) i le Iunaite Setete i le 2023, ua faaoga e volenitia le tulaga o le JustServe e faamaopoopo ai taumafaiga volenitia. O le galulue faatasi ai ma faalapopotoga i le lotoifale e pei o le A Chance to Learn ma le CocoLife. Black, sa volenitia ai le JustServe i le tele o aai e faatino “foai mo pepe” mo tina maitaga i nuu i totonu o le aai. O se taunuuga, ua fiafia nei tina i le mauaina lelei o punaoa i le lotoifale, lea ua taitai atu ai i taunuuga alualu i luma mo failele ma pepe fou.



Agavale: O tamaitai o le tele o vaega faalelotu o loo auai i se galuega faatino a le JustServe i lo latou nuu. Taumatau: O Evan ma lana uo i le aoga o loo aoina ni fagu siamu ma sieli na foai mai i le aoga.



O loo mau e tamaiti ni aoaoga i totonu o se tolauapiga a le au sulufai i Liberia i Kana. Atapue mai faaaloaloga a le Matthew Cares Foundation School.

Galuega Faama'ite i le Lalolagi Atoa

“A tatou punouai i auunaga i isi, tatou te le manatu tele la ia i tatou lava, ma mafai ai ona saunia atili le Agaga Paia e afio mai ia i tatou ma fesoasoani mai ia i tatou i la tatou sailiga o le olaga atoa ia faaee mai le meaalofa o le alofa mama i o tatou luga.”

---PERESITENE HENRY B. EYRING
FESOASOANI LUA I LE AU PERESITENE SILI?

2023 Aotelega o Taumafaiga



4,119

GALUEGA
FESOASOANI ALOFA I
LE 2023



\$1.36 piliona

I TUPE FAAALU



6.2 miliona

ITULA NA OFOFUA
ATU



191

ATUNUU MA TERITORI
NA AUAUNA ATU I AI

O TUPE FAAALU E AOFIA AI

O Fesoasoani na Ofoina Atu i Tagata Lautele

- Galuega faatino o galuega alofa i le lalolagi atoa
- Foai o meaai ma isi oloa

O Fesoasoani na Ofoina Atu i Tagata Tonu o le Ekalesia

- Fesoasoani o le taulaga anapogi
- Oka a epikopo mo oloa
- Auaunaga mai faatautaiga a le uelefea ma le ola tutoatasi

O ITULA O AUAUNAGA E AOFIA AI

- Volenitia i fale ma fanua o le Ekalesia mo le uelefea ma le ola tutoatasi (faleteuoloo a epikopo, fale e tuuapa ai meaai, faatoaga, togalaau, nofoaga autu mo galuega, ma isi mea.)
- O misiona e tausia ai i latou e le tagolima i le tele o atunuu
- O galuega faatino e lagolagoina e le Ekalesia i alalafaga, e aofia ai le faamamaina pe a mavae ni faalavelave.

“O le mea moni, o [nei] fuainumera o se lipoti lē mae’a o a tatou foai ma fesoasoaniga. E le o aofia ai auaunaga faaletagata lava ia e tuuina atu e o tatou lava tagata taitoatasi a o latou auauna atu i le tasi ma le isi i tofiga ua valaauina i ai ma auaunaga ofofua atu mai le isi tagata i le isi. Ma e le o ta’ua foi i le tatou [aotelega] mea o loo faia e o tatou tagata taitoatasi e ala i faalapotopotoga agalofa e lē mafaitaulia e lē fesootea aloa’ia ma le tatou Ekalesia.”

—PERESITENE DALLIN H. OAKS,
FESOASOANI MUAMUA I LE AU PERESITENE SILI⁸

O Se Toe Tepa i le 2023



TAUSIGA MO I LATOU E LE TAGOLIMA

Auaunaga a Tagata o le Ekalesia ma Faifeautalai

7,959,670

Sui o le Aualofa i le lalolagi atoa

11,368

Faifeau faamisiona o le uelefea ma le ola tutoatasi



JUSTSERVE

Tulaga o Auaunaga i Nu'u

119,461

O tagata fou ua lesitala e faaoga le JustServe

17,502

Galuega faatino fou ua fatuina a le JustServe



FESOASOANIGA I LE LALOLAGI ATOA

Galuega Faama'ite mo Fesoasoani Alofa i le Lalolagi Atoa

206

Galuega faatino o le suavai mama, tausiga maloloina ma puipuiga mai faama'i, ma le tumama

415

Galuega faatino e toomaga ai i faalavelave faafuasei

601

Galuega faatino mo le tausiga maloloina

64

Galuega faatino mo feoaiga

530

Galuega faatino o le saogalemu o meaai



FAUSIAINA O LE OLA TUTOATASI

O Polokalama ma Auaunaga

530

Galuega faatino mo aoaoga

10,112

Paaga a le Faleoloa o le Tesareta na tautuaina

2,926

Fonotaga i vaiaso taitasi o le toe faaleleia mai mea ua fai ma vaisu

110,019

Tagata auai o le vaega o le ola tutoatasi



Agavale: O se tagata o le Ekalesia i Maui o loo aveina ni sapalai na foai atu e fesoasoani ai i le toomaga mo afisosolo. Taumatau: O volenitia o loo pikiina sapalai e fesoasoani ai i le toomaga mo le afa i Florida.

E 415 galuega faatino o toomaga mo faalavelave faafuasei

94 atunuu na fesoasoani i ai

113 galuega faatino mo faalavelave faafuasei na fesoasoani ai i tagata ua leai ni fale

O LE A SE MEA E MAFAI ONA OU FAIA?

- Avea ma se volenitia faamaonia e ala i se faalapotopotoga e fesoasoani i tulaga o le tali atu i faalavelave faafuasei.
- Saunia mo faalavelave faafuasei e ono tulai mai. e ala i le fatuina o lau lava fuafuaga patino mo faalavelave faafuasei
- Faafesootai se faalapotopotoga e le maua se polofiti e lagolagoina tagata sulufai i la outou eria e vaai pe mafai faapefea ona e fesoasoani.

Toomaga mo Faalavelave Faafuasei

Pe a oo mai i le tuuina atu o le toomaga pe a mavae se faalavelave, e masani ona taulai atu i le taulimaina o manaoga faaletino o i latou na aafia. Peitai, e taua le aua nei sopoloa le vaai i luitau faalelagona atonu o loo latou lagonaina foi. O Le Ekalesia a Iesu Keriso o le Au Paia o Aso e Gata Ai e saili e tuuina atu fesoasoaniga faaletino ma faalemafaufau ia i latou uma o e atonu e aafia i se faalavelave faafuasei.

Fesoasoaniga Faalelagona ma Faalemafaufau

O le tausaga na te'a nei, sa matua pagatia ai le eria o Lahaina i le motu o Maui i afisosolo, ma tuua ai le toatele o tagata ua leai ni fale. E le gata i le tuuina atu o malutaga mo faalavelave faafuasei, ae sa auina atu foi e le Ekalesia ia faufautua o le Tautua mo Aiga e tuuina atu le fesoasoani muamua faalelagolagi i tagata o le Ekalesia o e sa aafia i le faalavelave. Sa mafai e faufautua ona faamafanafana i latou na malilili tagata o aiga ma leai ni fale ma e na molimauna le mafatia o isi tagata.

I Iukureini, sa tuuina atu ai e le Tautua mo Aiga ni semina i luga o upega tafailagi o le lagolago faalelagona mo tagata taitoatasi na aafia i le taua. O autu e aofia ai le aoao atu o e na faasaoina mai i tomali lelei e taulima ai ma auala e tumau toamalie ai i le taimi o se faalavelave faafuasei. Sa latou tuuina atu foi se felafolafoaiga i luga o upega tafailagi e uiga i le le mautonu atuatuvaale pe a mavae le faalavelave.

Sa galulue foi le Tautua mo Aiga e tuuina atu i taitai ma tagata o le Ekalesia ia punaao e pei o le *O Motugaafa mo le Saunia Faalelagona* ma le *O Le Saunia e Ala i le Mau fetuunai Faalelagona*. O nei punaao e fesoasoani i tagata taitoatasi ia saunia faalelagona e feagai ai ma luitau o le olaga ma tulaga o faalavelave faafuasei.



Agavale: O se tamaitiiti i Yemen ua faaunuuua mai lona fale o loo nofo i le pito i luga o anomea mo malutaga na foai atu. Ata mai le faaaloaloga a le ShelterBox. Taumatau: O volenitia o loo [po o latou lima] i le lima maualuga a o faamamaina otaota ina ua mavae se lolo i Kalefonia.

Fesoasoani Faaletino

I Türkiye i saute ma Suria i matu, e faitau miliona tagata na aafia i mafuie faalau sosoo ia na faataumaioia ai le itulagi. Sa vave ona tali atu le Ekalesia, ma galulue ai ma le tele o faalapotopotoga o toomaga i eria na aafia ai. Sa fesoasoani le Ekalesia e faatulaga le faitau selau o fale le tumau, na muai fauina i vaega, faapea foi ma falemai feavai e limafaatasi ma iunite mo taotoga e sui ai fale ma fanua o falemai na faaleagaina.

Ia Me, e faitau afe tagata i Malawi na faaunuuua ina ua aafia le eria i se afa fulifao e 36 aso (o le afa aupito umi lea i le talafaasolopito ua faamaumauina). E le gata i le tuuina atu o faleie, palanikeke, ma le lagolago i falemai feaveai, ae sa faofaleina foi e le Ekalesia le faitau selau o tagata o le nuu o e na faaleagaina o latou fale. Sa faasoa atu e tagata o le Ekalesia meai i nei tagata taitoatasi, faatulaga ni femalagaaiga e fesoasoani ai i nisi ia faatasi ma tagata o aiga, ma tausia isi seia oo ina mafai ona latou maua ni fale talafeagai.



Sa nonofo se tina ma se tamaitiiti i se malutaga le tumau ina ua uma ona faaleagaina e se lolo lo latou fale ma meatotino i Pakisitani. Ata mai le Faaloaloga a le Shelterbox

Fesoasoaniga Alofa i Israelu ma Kasa

E tusa ai ma lona faamoemoega ta'ua e tuuina atu fesoasoaniga agaalofa i le lalolagi atoa, e aofia ai vaega o feteenaiga, na galulue faatasi ai le O Le Ekalesia a Iesu Keriso o le Au Paia o Aso e Gata Ai ma le tele o sui o toomaga faavaomalo i Kasa ma Israelu e tuuina atu punaoa taua tautupe mo le tausiga ogaoga faafomai ma le tausiga faalemafaufau, faatasi ai ma isi manaoga.

“O ai lo’u tuaoi? O tagata uma lava o lo tatou tuaoi ... Tatou te aapa atu i tagata uma, po o a lava o latou tulaga o i ai, po o fea lava latou te o mai ai, po o a lava ituaiga po o tapuaiga. Ua tatou i ai iinei e faamanuia tagata uma e mafai ona tatou faamanuiaina.”

---EPIKOPO W. CHRISTOPHER WADDELL, FESOASOANI MUAMUA I LE AU EPIKOPO PULEFAAMALUMALU¹⁰

Vai Mama ma le Faamamaina

I le avea ai o se faamuamua autu o fesoasoaniga alofa, ua saili ai e Le Ekalesia a Iesu Keriso o le Au Paia o Aso e Gata Ai e lagolago i latou uma o e manaomia le maua o le suavai mama, faamamaina, ma le tausiga maloloina ma puipuiga mai faama'i (ua lauiloa foi o le WASH). Ina ia ausia lenei galuega, ua galulue faatasi le Ekalesia ma isi faalapotopotoga ma nuu i le lotoifale i le salafa o le kelope e faaleleia atili le faaaogaina o nei auunaga ma faamalositia ai polokalama aoao, ia mautinoa o fofo e umi ona tumau ma e faalauiloa ai le ola tutoatasi.

Puleaina o Galuega Tausi o Vai Mama mo Tagata Uma

I Sierra Leone, sa galulue faatasi ai le Ekalesia ma le WaterAid e aumai le faitau afe o tagata o le alalafaga ia maua ni vai mama. O se taunuuga o lenei galuega faatino, ua i ai i tagata o le nuu ni auunaga lelei o le tumama ma le malamalama e uiga i amioga o le tumama. "Faatasi ai ma le aoaoga faamasani, ua mafai ai ona ou faalauiloa atu le taulimaina o le tumama o palapala masina o teineiti i la'u aoga ma faia foi ni siaki masani o faleletaua ma potu sui ia mautinoa o i ai pea le suavai," o le tala lea a Hawa, o se tagata faafoe o le kalapu o le soifua maloloina i se tasi o aoga na aafia i lenei galuega faatino.

Taumafaiga a le Nuū mo le WASH

I le 2023, sa galulue ai le Ekalesia ma le Vai mo Tagata e fesoasoani ai i nuu i Kuatemala ia saoloto mai le faia o feaumamao i soo se mea lava. E ala i lenei galuega faatino, sa mafai ai e tagata o le nuu ona maua ni anomea anagata e fausia ai faleleta'ua o aiga lea e mafai ona tatālia tulaga faigata o le tau i le eria. E faapena foi, i Papua Niu Kini ma Liberia, sa galulue faatasi ai le Ekalesia ma le WaterAid e faapipii ni paipa o suavai saogalemu mo nuu ma aoga. O le galuega faatino foi na aafia ai le aotauina mo nuu na aafia i le auala e faaaoaga ai ma vaai lelei ai paipa.

O LE A SE MEA E MAFAI ONA OU FAIA?

- Ia faailoa manaoga mo le suavai mama ma le tumama i lou nuu.
- Aoao e uiga i le mauaina o le suavai mama i la outou eria ma le auala e mafai ona e aafia ai.



Agavale: O se tamaitai ma se teineitiiti o loo fufulu o laua lima. Ata pue mai faaaloga a le Vai mo Tagata Taumatau: Ua fesoasoani se tamaitai i le tamateine a lana tama e inu vai mama mai le paipa i Timor-Leste. Ata pue mai faaaloga a le WaterAid/Tariq Hawari.

112 galuega faatino o le suavai mama

94 galuega faatino o le tumama ma le tumama

O galuega faatino na faatinoina i atunuu e 73

Faamanuiaina o le Alalafaga e ala i Auunaga

O Jorge, o se faifaatoaga mai Polivia, sa manao i taimi uma e fausia le faiga o se vaieli e maua ai vai mama mo lona nuu. Faatasi ai ma le fesoasoani a le Water for People ma le O Le Ekalesia a Iesu Keriso o le Au Paia o Aso e Gata Ai, na iu ai ina moni lana miti.

"E le talitonuina o le taimi nei ua tatou kiina le paipa ma maua ai le suavai," o le tala lea a Jorge. O se taunuuga o lenei vaieli fou, ua lipoti mai ai Jorge, ua mama atu tamaiti ma ua saoloto atu e o i le aoga. Ua maua e faifaatoaga i le nuu vai e tele atu e fui ai laautotō. "E i ai se aso o le a mafai ai ona ou oti filemu," na ia fai mai ai, "ona o le a ou iloa ua i ai le suavai a aiga uma iinei."⁹



Aoga

Ua saili le Ekalesia ia faateleina le ola tutoatasi e ala i le fatuina o avanoa mo tagata i le lalolagi atoa e aoao ai, alualu i luma, ma ausia o latou gafatia atoatoa. O le a'otauina e i ai se matafaioi taua i le faaitiitia o le mativa, faaleleia atili o le soifua maloloina, ma le faamalolosa o faalapopotoga. O tupemaua i aoaoga e fesootai foi i le tuputupu a'e o le tamaoaiga ma le foiaina filemu o feteenaiga. O le a'otauina e faaosofia ai le faamoemoe ma uunaia ai faatinoga.

Punaoa mo Tagata o le Ekalesia

O punaoa autu e lua a le Ekalesia ua mamauina e lagolago i sini faaleaoaoga a tagata o le Ekalesia o le **Tupe Faaagaaga mo Aoga (TFA)** ma le **BYU-Pathway Worldwide**. O le TFA o se polokalama fesoasoani tautupe e fesoasoani ai i tagata aoga e faamaea polokalama faaleaoaoga lea e maua ai ni tomai e manaomia mo galuega po o le faigaluega o le tagata mo ia lava. Ua ofoina mai e le BYU-Pathway Worldwide i tamaiti aoga le avanoa e maua ai aoaoga maua luga taugofie i luga o le initoneti.

O isi punaoa faaleaoaoga ua avanoa mo tagata o le Ekalesia e aofia ai le:

- **Polokalama o le sikolasipi a Benson**, lea e fesoasoani i tagata o le au paia ia maua aoaoga i le mavae ai o aoga tulagalua i vaega o taumafa paleni ma mataupu e faatatau i faatoaga.
- **EnglishConnect**, lea e tuuina atu ai ni aoaoga o le faaPeretania e le totogia mo tagata o le Ekalesia ma isi.

Punaoa ua Tuuina Atu i le Lautele

O taumafaiga o fesoasoaniga alofa a le Ekalesia ua saunia ai tusi aoga, kesi, nofoa, aoaoga faamasani a faiaoga, toefaaleleia o potuaoga, ma isi mea e fesoasoani ai i tamaiti aoga ia olioli atili i le mauaina o aoaoga e maua luga le tulaga lelei. Faatasi ai ma le faitau selau o isi galuega faatino e faatatau i aoaoga i le 2023, sa foai atu ai e le Ekalesia ia anopotu, tusi, ma isi sapaalai i aoga maotua i Toga ia sa lei maua ai ni punaoa.

**349 Sikolasipi a Benson
na tauaaina atu**

530 galuega faatino mo aoaoga

**O galuega faatino na
faatinoaina i atunuu e 97**

Faatupeina o Aoaoga e Fausia ai se Lumanai Lelei Atu

Sa feagai ni [tagata] Atenitina o Alfredo ma Nadia ma se faaiuga faigata: fausia se lumanai lelei atu e ala i le faaauauina o a laua suesuega po o le tumau i o latou tulaga o ola ai e ala i le lafoaia o tau taugata o le aotauina. Sa amata ona foliga mai o miti a le ulugalii mo le lumanai sa lamatia seia oo ina iloa e Alfredo e uiga i le Tupe Faaagaga mo Aoga.

“Sa mafai ai ona ou maua se nonogatupe, ... faamae'a au suesuega i le faipolokalama, ma faauma ma le manuia lo'u faailoga,” o le tala lea a Alfredo. “Sa mafai foi e lo'u toalua ona faaauau le suesueina o mea e fiafia i ai o ia.” Na iu lava ina maua e Alfredo se galuega maoae, ma sa faamaeaina e Nadia lona faailoga i punaoa mo tagata faigaluega, na tatala ai faitotoa i ni avanoa fou.

O LE A SE MEA E MAFAI ONA OU FAIA?

- Tau atu i isi e uiga i le Tupe Faaagaga mo Aoga.
- Volenitia i se aoga i le lotoifale.
- Faameaalofa se tusi i se tamaitiiti.



Agavale: Ua potopoto se vasega o le EnglishConnect mo se lesona o le faaPeretania. Taumatau: O se alii talavou o loo alu atu i le aoga i Puerto Rico.



O loo fesoasoani se taitai galuega i se tagata fesoasoani a le Deseret Industries e faavasega aitema na foai atu.

5,538 na tuu i galuega

2,603 mafutaga faaleaoaoga faatekinolosi sa faia

3,824 fuafuaga taitasi faalematata na faatulagaina

O LE A SE MEA E MAFAI ONA OU FAIA?

- Faataitai tomai mo faatalanoaga ma se uo po o se tagata o le aiga o loo sailia se galuega.
- Faufautua i le au sue galuega i se vaega i le lotoifale e le sue polofiti.
- Faasoa atu avanoa faalegaluega ua e iloa ia i latou e te iloa.

Galuega

O se tasi o auala e tausai ai e le Ekalesia a Iesu Keriso o le Au Paia o Aso e Gata Ai i latou e le tagolima o le saunia lea o meafaigaluega ma auaunaga e fesoasoani ai i tagata taitoatasi ia saunia mo ma maua ni galuega o le a taitai atu ai i le tuputupu ae faapolofesa ma tupe maua mautu.

Auaunaga mo Galuega

E fesoasoani le Tautua mo Galuega i tagata taitoatasi o e le faigaluega, toe ulufale i totonu o le olaga faigaluega, po o le vaavaai e faaleleia o latou tulaga faalegaluega o i ai nei. O faufautua mo galuega e tuuina atu auaunaga faafesagai faapea foi ma fesoasoaniga i uega tafailagi mo i latou e le nofoaga latalata i se nofoaga autu.

E tuuina atu e le Auaunaga mo Galuega ni lagolago eseese e fesoasoani ai i tagata o le Ekalesia ma isi. E ofo atu e faufautua ia aoaoga fai taitoatasi ma vaega o Sailiga Galuega o loo Faaaogaina, lea e fesoasoani i mea uma mai le tusiga o faamatalaga ootoo, ma tomai i faatalanoaga e oo i uegafesootai. Mo i latou o loo saili e amata se pisinisi, e ofoina atu foi e le Auaunaga mo Galuega ni punaoa mo le faigaluega i le lava ia, e aofia ai faamatalaga i aoaoga faamasani, faufautua, ma le faatupeina.

E ofoina atu foi e le Auaunaga mo Galuega i luga o le initoneti le “Ask an Expert”, ia aoaoga faalegaluega, ma uepina e aoao atu ai tomai tau sailiga o galuega. E mafai ona maua punaoa nei i le [Employment.ChurchofJesusChrist.org](https://www.employment.churchofjesuschrist.org).

Tautua mo Fautuaga mo le Atinaega

O faufautua o atinaega e fesoasoani i tagata mai savaliga uma o le olaga ia iloa ma faatoilalo papupuni i galuega. I totonu o faleloa taitasi o le DI, e galulue vavalalata ai supavaisa o le faagaioiga ma faufautua o atinaega e tuuina atu le lagolago ua faaleleia mo paaga. O loo maua foi faufautua o atinaega i isi nofoaga filifilia e le o tautuaina e faleloa DI i le taimi nei.

E faatino e faufautua o atinaega ni iloiloga lolote e faailoa ai malosiaga, papupuni, ma auala mo le alualu i luma agai i galuega ma le ola tutoatasi. E mafai foi ona latou fesoasoani i tagata taitoatasi e taulima lagona faigata, pulea le atuatuvaile, ma faia ni suiga lelei i o latou olaga.

Nofoaga Tutotonu o Fesoasoaniga Alofa

O ofu faasili e maua i faleoloa DI e auina atu i le Nofoaga Autu mo Fesoasoaniga Alofa, lea e faavasegaina ai mo le tufatufaina atu i tagata e le tagolima i vaega eseese o le lalolagi.

O paaga mai le Nofoaga Autu mo Fesoasoaniga Alofa e o mai mai se vaega e tele o atunuu ma talaaga. E toatele ua sosola ese mai feteenaiga, matelaina, ma isi faigata i o latou atunuu moni. E tuuina atu ia i latou le avanoa e maua ai tupe maua a o latou galulue ma auai i vasega o le gagana Peretania (lea e tuu i totonu o o latou aso faigaluega).

O Faleoloa o le Tesareta

I le 2023, sa faamanatuina ai e le Deseret Industries (DI) lona 85 tausaga. Talu mai lona amataga, ua fesoasoani ai le DI i tagata taitoatasi e i ai papupuni i galuega ia maua ni galuega ma fausia se lumanai lelei atu mo i latou lava. Ua faagaioia nei e le DI ni nofoaga e 46 i setete e 8 o le I.S., ma tautua i le oo atu i le 4,000 paaga i soo se taimi lava.

O paaga o le DI e galulue i fale ma fanua o faleoloa ma aoao faatasi ma paaga faipisinisi i le lotoifale, maua aafiaga taua tau galuega faatauoloa ma le aoaoina o mausa faigaluega ma isi tomai taua o le olaga lea o le a mafai ai ona faamanuiaina i latou i se pisinisi latou te filifilia. O loo maua foi lenei polokalama faaleaoaoga mo galuega mo tagata faigaluega i le Deseret Manufacturing, lea e gaosi ai e paaga meaafale faavae ma oloa mo le moe. E fono e le aunoa ia paaga ma se supavaisa o le faagaioia, o lē e tuuina atu le taitaiga ma le faamalosiaga.

Auaunaga mo Faasologa o Suiga

Ua ofoina atu foi e le Ekalesia ni ofisa se iva i Iuta, Nevada, ma Arisona o le Auaunaga mo Faasologa o Suiga. I nei nofoaga, e tuuina atu ai e le auaunaga ma

volentia o Auaunaga mo Faasologa o Suiga le lagolago mo tagata taitoatasi o talaaga uma o e manaomia le fesoasoani i le aumaia faatasi i totonu o o latou nuu. E mafai ona aofia ai tagata ua o ese mai falepuipui, aafia i le leai o se aiga, po o le toe faaleleia mai faiga o fefaatauaiga faasolitulafono. O nei tofi e tuuina atu ai foi auaunaga mo tagata ua leva i ni galuega ma mo tagata taitoatasi o e ua fāi mai i se isi atunuu.

E fesoasoani le auaunaga mo Faasologa o Suiga i nei tagata i ni fesoasoaniga le tumau e ala i le tuuina atu o meaai, lavalava, pasese o pasi, ma isi mea e manaomia. E galulue vavalalata ia Auaunaga mo Faasologa o Suiga ma le Lagolago mo Galuega ma Auaunaga i Aiga e faamaopoopo ai fuafuaga e fesoasoani ai i nei tagata taitoatasi e fausia lo latou ola tutoatasi mo se taimi umi.

O Se Amataga Fou i le Olaga

Ina ua uma ona auauna atu i se misiona e lua tausaga mo le Ekalesia, sa galue malosi Andre ia maua lona faailoga o le tagata malaga i le minoi o le tino [kinesiology]. Peitai, o luitau o le soifua maloloina faaletino mai se faalavelave faafuasei na mafua ai se vaisu i fualaau faasaina. Ina ua mavae se vaitaimi o le leai o se aiga, sa sailia e Andre se fesoasoani i se ofisa o Auaunaga mo Faasologa o Suiga.

Sa galulue le auaunaga mo Andre e iloilo lona tulaga ma faia se fuafuaga. Sa latou galulue faatasi ma nisi o paaga i le lotoifale ma tagata o le Ekalesia i le lotoifale e saili ni fale ua totojiina i foai. Sa latou fesoasoani foi ia Andre e auai i le polokalama a le Ekalesia o le toe faaleleia o vaisu ma sue se galuega, lea na maua ai e ia se amataga fou o le olaga.

“O le taimi lenei tatou te faamanuia atu ai i isi ma ‘sii i luga lima o tautau i lalo.’”

—PERESITENE RUSSELL M. NELSON, PERESITENE O LE EKALLESIA A IESU KERISO O LE AU PAIA O ASO E GATA AI¹¹



Agavale: Ua potopoto le au saili galuega i se nofoaga autu mo galuega e auai ai i se fonotaga a le vaega o le Active Job Search. Oगतatotonu: O se alii i Mekisiko o loo faigaluega i se faleaiga. Taumataua: O se faifeaualalai talavou o auaunaga ma se faifeaualalai matua, na valaauina e auauna atu i le Auaunaga mo Galuega.

e 5,700 vai na foai atu i le Vaituloto Tele o Sate Leki

e 140,000 laau na foai i Monokolia

e 1,153,000 maila o feoaiga na faaitiitia e ala i le faaaoga e tagata faigaluega i luta o ala o femalagaaiga lautele

O LE A SE MEA E MAFAI ONA OU FAIA?

- Aoao po o a mea na aoao mai e taitai o le Ekalesia ma isi e uiga i le tausiga o le lalolagi.
- Saili ni auala e faasao ai le paoa, faaitiitia le faaaoga o le suavai, ma faaitiitia otaota e tatia.
- Volenitia i taumafaiga o toomaga mai faalavelave e tuuitiitia ai avega na mafua mai i luitau o le siosiomaga.

“Ua ia i tatou se matafaioi e avega ma tausimea lelei, ia pasi atu i tupulaga i le lumanai se lalolagi e sili atu nai lo le mea na tatou mauaina e ala i mausa ma tulaga faatauaina o le tausimea atamai.”

—EPIKOPO L. TODD BUDGE, FESOASOANI LUA I LE AU EPIKOPO PULEFAAMALUMALU¹²

Tausimea Faalesiosiomaga

E talitonu Le Ekalesia a Iesu Keriso o le Au Paia o Aso e Gata Ai o le tausiga o le lalolagi ma ona punaoa e fesootei vavalalata lava ma le tausiga o i latou e le tagolima. I le 2023, sa faia ai e le Ekalesia ni taumafaiga faifaipea e tausiga le siosiomaga e ala i faamaitega e pei o le faasoina ma le toe faaaogaina o le suavai ma le paoa. E faamuamua foi e le Ekalesia ia vaifofo e le afaina ai le siosiomaga i galuega faatino o galuega alofa, e faaaoga ai punaoa ma anomea o le lotoifale pe a mafai.

Faasoina o le Suavai

I le 2023, sa taulai atu ai le Ekalesia i le atiaeina o fuafuaga mo le puleaina o le suavai mo meatotino uma tau faatoaga a le Ekalesia ma faatutuina ni faasoosoa poto, mita o le vai, fua o timuga, ma paipa e fui faatutulu ai faatoaga i le tele o fanua o le Ekalesia. O leni taumafaiga sa aofia ai foi le toe faataatiaga o laufanua i nisi o falelotu e suesue ai mataupu faavae o le teuina o laufanua ma auala e faasao ai le suavai i eria e aafia gofie i le lamala.

Ia Mati 2023, sa foai atu ai e le Ekalesia le 6.5 pilliona kalone i le tausaga o suavai mai paipa faataatitia ma pamu i le Great Salt Lake i Iuta, o se eria e taatele ai le lamala. O le foai o se tasi lea o foai tumau aupito sili ona tele o le suavai na maua e le setete ma e talitutusa ma se sapalai o le suavai mo fale tasi o aiga e 20,000. O le a faaaauu pea ona tafe atu leni vai i le vaituloto ma o le a fesoasoani e faasao ai le siosiomaga o loo siomia ai.

Faasoina o le Paoa

I le avea ai ma tausimea o punaoa o le lalolagi, ua tuuto atu le Ekalesia i le puleaina ma le faaeteete o tupe ma punaoa faalenatura. Faatasi ai ma isi taumafaiga i le 2023 mo le faasoina o le paoa, sa faapipii ai e le Ekalesia ni fola sola [paoa mai le la] i luga o le tele o ona falelotu i le lalolagi atoa.

Toe Faaoga

I le 2023, na amata ai ona suia e le Ekalesia i ipu palasitika e 100%-toe faaaogaina mo le faaaogaina i le faamanatuga. O le Deseret Industries o loo faia foi se matafaioi taua e ala i le mauaina mai, toefetuunai, ma o nisi taimi e toe faaaoga ai aitema na foai mai lea e semanu e iu i se lapisi.



Agavale: O se tina ma lana fanau o loo tietie uila faatasi i lapani. Oगतotonu: O se faifeautalai talavou o avaaunaga a le Ekalesia e totoina ni fugalaau faataamilo i le Malumalu o Ogden. Taumata: O nofoaga e taula ai ua aliali i le pa'umatū i le Great Salt Lake.

Tausiga Faalesoifua Maloloina ma le Gafatia ona Fealuai Solo

I le taimi o le galuega a Keriso i le olaga nei, sa faapitoa ona faaeteete o Ia i le auaua atu ia i latou e i ai manaoga faapitoa faaletino, vaivaiga, ma ma'i. O loo faaauau pea e le Ekalesia a Iesu Keriso lenei misiona i aso nei e ala i ana galuega i le lalolagi atoa o le tausiga faalesoifua maloloina ma le gafatia ona fealuai solo.

Tui Puipui

E auai malosi le Ekalesia i taumafaiga o tui puipui i le lalolagi atoa. O se tasi o faaitaiga o se taumafaiga e lagolagoina e le Ekalesia faatasi ma le UNICEF USA e faaleleia ai faama'itega o tui puipui i Zambia.

O lenei faama'ite, ua faia faatasi ma le matagaluega o le soifua maloloina i le lotoifale ma le UNICEF USA, ua faafaigofie ai mo tagata taitoatasi ona maua tui puipui o le misela ma le ma'i pipili, lea ua faaititia ai le numera o faama'i i le eria. Sa lagolagoina foi e le faatupeina e le Ekalesia taumafaiga a le UNICEF e aoao i latou e faia tui puipui i Afkanisitana ma Pakisitana, faapea ma se faalauiloaga o se Matagaluega o le Soifua Maloloina i Peru e tui puipui ai tamaiti mai le ma'i pipili ma le misela.

Fausiaina, Faalautelega, ma le Toefaafouga o Fale

O le faafouina o fale mo auunaga faafomai e mafai ai e fomai ma tausimai ona tuuina atu le tausiga lelei atu, lea e faaleleia atili ai le tulaga o le soifua maloloina lautele. Faatasi ai ma isi taumafaiga i le 2023, sa foai atu ai e le Ekalesia ni meafaigaluega mo vilavaa mo le tino i se falemai i le Ripapelika o Palau ma tuuina atu ni tupe ma sapalai faafomai e fesoasoani ai e toefaafou se falemai i le itulagi o Bryansk i Rusia. Sa faatupeina foi e le Ekalesia le faamae'aina o se falemai fou i se nuu maotua i Zimbabwe ma foai atu moega ma masini faafomai. I le avea ai ma se vaega o lenei galuega faatino, sa fesoasoani ai le Ekalesia e toefaafou fale mo le aufaigaluega a le falemai, tuuina atu le sola paoa i fale, ma vili se vaieli e avea o se puna o le suavai.

Tausiga o Mata

O le tausiga o mata sa o se faamuamua faifai pea lea o fesoasoaniga alofa i le 2023. Sa fesoasoani le Ekalesia e faatupe galuega faatino i le lalolagi atoa e fofo ai uga'i a mata ma faaleleia atili ai le maua o auunaga o le tausiga o mata. Mo se fataitaiga, i Mozambique, sa ofoina atu e le Ekalesia ni suesuega o mata ma togafitiga faafomai i le toatele o tagata taitasi mai nuu maotua. E faaopoopo atu i isi galuega faatino i le 2023, sa foai atu e le Ekalesia ni tioata e 500 ina ia faaogaina i taotoga e aveese ai uga'i a mata i Meleisia, e faitau afe matatioata i Peru, ma se masini otometi [refractor keratometer] e iloa ai le malosi o le tioata e faaleleia ai le siakiina o le vaai i Chiapas, Mekisiko.

O LE A SE MEA E MAFAI ONA OU FAIA?

- Foai atu ni tootoo e lei faaogaina ma isi fesoasoani e feoai ai i la outou falemai i le lotoifale.
- Aoao e uiga i le taua o tui puipui; faasoa atu mea ua e iloa i au uo ma tuaoi.
- Volentia e faafoe le siakiina o le vaai i le lotoifale ma isi mea e tutupu e faatatau i le soifua maloloina.

25,786 nofoa faataavalevale na foai atu

29 galuega faatino mo mata

73 galuega faatino o le tausiga o failele ma pepe fou

Sauniaina o Nofoa Faataavalevale i Honduras

Faafetai i se foai mai le O Le Ekalesia a Iesu Keriso o le Au Paia o Aso e Gata Ai, e faitau selau tagata matutua ma tamaiti e i ai faafitauli i le feoai i San Pedro Sula na mauaina nofoa faataavalevale ma masini e fesoasoani i le faatulagaina o le tino. O se taunuuga, ua latou olioli nei i le tutoatasi ma le mamalu sili atu.

O lenei foai sa na o se tasi o nai foai na faia e le Ekalesia i le 2023, ua aafia ai le faitau afe o tagata taitoatasi i le salafa o le lalolagi.



O se tagata taitasi soifua maloloina o loo faia se tui o le ma'i pipili mo se pepe i Zambia. Ata pue mai faaloolaga a ©le UNICEF/UN0663888/Schermbrucker.



Agavale: Ua fiafia se tamaitiiti i Haiti i se meaai paleni i le aoga. © WFP/Theresa Piorr. Taumatau: O se faifeautalai matua o loo tau vine i se faatoaga e anaina e le Ekalesia.

E 530 galuega faatino o le saogalemu o meaai

71 galuega faatino o meaai paleni

Galuega faatino na faia i atunuu e 94

“E i ai se loto mutimuti alofa o Iesu mo tamaiti. E tutulu o Ia pe a silasila mai ia i latou o matelaina. Ma e olioli o Ia e oo lava i taumafaiga aupito itiiti e fesoasoani ai ia i latou.”

—PERESITENE CAMILLE N. JOHNSON, PERESITENE AOA O LE AUALOFA¹³

Fafaga i E Fiaaai

O tagata o le Ekalesia a Iesu Keriso o Au Paia o Aso e Gata Ai e ola i mataupu faavae o le ola tutoatasi, ma tatou te saili e fesoasoani i isi ia faia foi faapea. Peitai, mo le toatele o loo tauivi ma le fiaaai ma isi manaoga faanatinati faaletino, e faigata ona taulai atu i le ola tutoatasi mo se taimi umi pe afai e le o taulimaina manaoga mo se taimi puupuu. E saili le Ekalesia e fesoasoani i nei tagata e ala i le taulimaina vave o manaoga o le fiaaai, lagolagoina o meaai paleni ua faaleleia, ma le faalauiloaina o le saogalemu o meaai mo se taimi umi.

Taulimaina o Manaoga Vave

Ina ia fesoasoani e taulima manaoga vave o le fiaai, ua faagaoioia ai e le Ekalesia ia faleteuolaa e 123 a epikopo, lea e mafai ai e taitai o le Ekalesia i le lotoifale ona fuafua mo tagata o a latou aulotu ia maua ni meaai ma isi mea e leai se totogi. O nei faleteuolaa e foai atu foi le faitau selau o oloa i fale i le lotoifale e tufatufaina meaai.

O kuata e tolu o le aofaiga atoa o oloa e tufatufa atu mai faleteuolaa o epikopo e sau mai oloa e gaosia ma/pe faagaoioia e ala i faatoaga a le Ekalesia, togalaa, faagaoioiga o lafu manu, ma le faagaoioia o laau. O nei faatinoga e lagolagoina e volenitia, o e atonu o ni tagata o le Ekalesia, tagata o le nuu, po o volenitia mai faalapotopotoga a le atunuu.

I nofoaga e le maua ai faleolaa a epikopo, e masani ona faia e taitai ni fetuunaiga ma faleolaa i le lotoifale e taulima ai manaoga o tagata o le Ekalesia. E tuuina atu foi e le Ekalesia le lagolago i isi faalapotopotoga i le lalolagi atoa lea e masani ona talanoaina ai le fiaaai. E le gata i lea, e masani lava ona auai tagata o le Ekalesia i le faia o meaai e taulima ai manaoga i totonu o o latou lava nuu.

Meaai Paleni

Ua tuuto atu le O Le Ekalesia a Iesu Keriso o le Au Paia o Aso e Gata Ai i le tuuaitiitia o le tinovale ma ua tulaga ese lona faatulagaina e tuufaatasia taumafaiga faavae i nuu i le lotoifale.

I le 2023, sa faaauau ai e le Ekalesia le lagolago mo ana taumafaiga mo meaai paleni a tamaiti, e aofia ai se faama'ite e taitaia e le Aualofa a le Ekalesia lea e lagolagoina tagata o le Ekalesia e tinovale a latou fanau. E ala atu i lenei faama'ite, ua maua ai e taitai ma tagata o le Ekalesia i le lotoifale ia aoaoga faamasani i faailoga masani o le tinovale ma le auala e faatautaia ai le siakiina o meaai paleni. O le faama'ite foi e tuuina atu ai le lagolago e fesoasoani ai i tagata o le Ekalesia ia maua auaunaga o le soifua maloloina i le lotoifale ma auaunaga faafomai, faapoopoga i meaai paleni, tui puipui, ma isi fesoasoani e tuuitiitia ai le tinovale.

I le avea ai ma se vaega o ana taumafaiga agaalofo, sa tuuina atu ai foi e le Ekalesia le lagolago lautele i faifaatoaga i nuu maotua ma le mauaina o fua o faatoaga e tele ai niuterene ma galulue faatasi ma polokalama o le soifua maloloina i le lotoifale e faamalositia ai aoaoga ma maua ia meaai ua faailoa mai niuterene ua saunia ma mauagofie. E ala i le galulue faatasi ma faalapotopotoga agavaa e pei o le CARE, Helen Keller International, Catholic Relief Services, Save the Children, iDE, the Hunger Project, UNICEF, ma le World Food Programme, na mafai ai e le Ekalesia ona fesoasoani i aiga e maualuga le tulaga lamatia mai talaaga uma ia maua ni punavai faapoopo o meaai i se taimi sili ona taua, ma faamautinoa e maua e tina fou ma fanau ia meaai paleni latou te manaomia e tuputupu ae ai.

Saogalemu o Meaai

O le saogalemu o meaai i le lalolagi atoa sa faaauau pea ona avea o se faamuamua agaalofo i le 2023. I Senegal, sa fesoasoani ai le Ekalesia i le MyAgro e faatau anomea mo faatoaga e pei o faalelei eleele, ma tuuina atu aoaoga faamasani mo le faitau afe o faifaatoaga, fesoasoani e faalauiloa ai le lagolagoina o faatoaga mo se taimi umi. Sa galulue foi le Ekalesia ma le iDE Zambia e faaleleia le mauaina o anomea e mo faatoaga ma maketi mo le faitau afe o faifaatoaga, ma fesoasoani ia i latou ia faateleina a latou tupe maua ma faaleleia le saogalemu o meaai i totonu o le itulagi.

Ma le isi, sa lagolagoina e le Ekalesia ni nai galuega faatino e faaleleia atili ai le saogalemu o meaai e ala i togalaau i le taulaga ma togalaau a le aiga. Mo se faaitaiga, i Filipaina, sa au faatasi ai le Ekalesia ma le Matagaluega o Faatoaga ma le Bureau of Plant Industry e amatalia se galuega faatino o faatoaga i le taulaga i le Aai o San Juan. O lenei galuega faatino e fesoasoani i tagata o le nuu e faatino faiga faafaatoaga i le taulaga e ala i le atiina ae o a latou lava fua o faatoaga, ma faapea ona tuuitiitia ai le faalagolago i punavai o meaai i fafo atu.

O Le Mauaina o Meaai e Faaleleia ai le Ola Tutoatasi

I le 2023, sa galulue ai le O Le Ekalesia a Iesu Keriso o le Au Paia o Aso e Gata Ai ma le The Hunger Project e faatu ni nofoaga autu i Burkina Faso lea e mafai ai e nuu i le lotoifale ona potopoto e faasoa atu punaoa, e aofia ai se fale vili falaoamata e olo ai saito.

O lenei galuega faatino sa i ai sona aafiaga taua ia Hinmin, o se tina e toafa le fanau, o lē sa savali i se mea mamao ma faatalitali ai i laina uumi ina ia maua le fale vili falaoamata e tasi i le nuu. O lea la ua itiiti le taimi ma tupe na te faaluina i le fale vili falaoamata ma vave maua ana falaoamata, lea na te maua ai le taimi tele e maua ai se tupe maua ma lagolago ai lana fanau.

O LE A SE MEA E MAFAI ONA OU FAIA?

- Volenitia i ma foi atu i lau kapoti meaai i le lotoifale.
- Amata se togalaau a le nuu e taulima ai manaoga o le fiaai i la outou eria.
- Talanoa i au uo ma aiga e uiga i le fiaai i lou nuu ma mea e mafai ona latou faia e fesoasoani atu ai.



O se ulugalii o loo galulue i le la togalaau i Taiuani.

374 galuega faatino e auauna
atu ai i e leai ni aiga

11,063 tagata na iloiloaina
punaoa o auaunaga mo suiga

Toe Amataina i se Atunuu Fou

Na siitia atu Nadia ma lona aiga i le lunaite Setete i le 2023. Ona o faafitauli o le soifua maloloina, sa faigata ai ia te ia ma lana tane ona maua ni galuega i lo latou aiga fou—e ui lava i le maualuluga o lo laua aotauina.

Faatasi ai ma le fesoasoani mai le O Le Ekalesia a Iesu Keriso o le Au Paia o Aso e Gata Ai, faapea foi le Lao Family Community Development, sa mafai ai e Nadia ma lona toalua ona maua le lagolago tautupe e totogi ai lo latou fale mautotogi ma aloese ai mai le leai o se fale. O se taunuuga o lenei fesoasoani i se taimi taua tele, sa mafai ai e Nadia ma lona toalua ona taulai atu i le sailia o ni galuega, ma taitai atu ai i le ola tutoatasi sili atu.

O LE A SE MEA E MAFAI ONA OU FAIA?

- Volenitia i se nofoaga autu i le lotoifale mo le aveese faamalosi mai po o la outou ofisa o le Koluse Mumu po o le ofisa o le Red Crescent.
- Lagolagoina se aiga o loo saili se sulufaiga i la outou eria.
- Talanoa i ou tuaoi e uiga i manaoga o i latou o loo aafia i le leai o ni aiga i lou nuu.

Lagolago i Mea Tau Fale

E tele mafuaaga e ono oo ai tagata i le leai o ni aiga. O le leai o se fale atonu o se tulaga le tumau na mafua mai i se faalavelave faalenatura, feteenaiga, po o se isi tulaga matautia. I nisi tulaga, o le leai o se fale atonu o le taunuuga lea o le leai o se galuega, luitau o le soifua maloloina faalemafaufau, vaisu, pe ona o tulaga leaga lava. E tusa lava po o le a le mafuaaga, ua tuuina atu e le O Le Ekalesia a Iesu Keriso o le Au Paia o Aso e Gata Ai le fesoasoani tele o fesoasoaniga alofa e taulima ai atugaluga i mea tau fale i se auala e tuuina atu ai le le faalauaiteleina, saogalemu, ma le mamalu i tagata uma.

Talanoaina o le Leai o ni Fale

O loo faagaioia e le Ekalesia ni ofisa se iva o Auaunaga mo Faasologa o Suiga i le Iunaite Setete. O le aufaigaluega i nei ofisa ua aoaoina e fesoasoani ia i latou o loo aafia i le leai o ni fale ia lagona le alofa ma le lagolago a o latou saili e faaleleia o latou tulaga. E fesoasoani le Auaunaga mo Faasologa o Suiga i manaoga vave faaletino ma faasino atu tagata taitoatasi i punaoa a le nuu i le lotoifale mo le lagolago i le soifua maloloina faalemafaufau, vaisu, po o manaoga faalegaluega. O isi nofoaga i le Iunaite Setete ma le lalolagi atoa, e tuuina atu ai e le Ekalesia le faatupeina o fesoasoaniga alofa ma foai e lagolago ai faalapopotoga o loo tautuaina tagata taitoatasi o loo aafia i le leai o se fale.

Malutaga mo Faalavelave Faafuasei

Faatasi ai ma isi taumafaiga i le 2023, sa galulue faatasi ai le Ekalesia ma le Shelterbox e saunia faleie mo le silia ma le afe aiga ua faaauunua ona o feteenaiga i Yemen. Sa tatalaina foi e le Ekalesia ia falelotu e faaaoaga o ni malutaga le tumau ma tuuina atu lisiti mo faletalimalo na muaitotogiina mo tagatanuu o e na faaauunua e afisosolo i Maui.

Fesoasoani i e Vaivai

Sa galulue le Ekalesia ma nai faalapopotoga e fesoasoani i nuu vaivai o loo i ai i se tulaga lamatia maualuga atu o le aafia i le leai o ni fale (e pei o i latou o loo sailia se sulufaiga po o se nofoaga saogalemu). Mo se faataitaiga, sa galulue le Ekalesia ma le Pastoral Dimension of Human Mobility of the Conference of the Mexican Episcopate e foai atu meafaigaluega i malutaga e sefulutasi ma umukuka e fa a le nuu, e fesoasoani ai i le faitau afe o tagata ia maua malutaga, lavalava, fesoasoani faaletulafono, ma isi lava mea.



Agavale: O se aiga ua faaauunua i Suria ua tuuina atu i ai se pusa malutaga ma isi mea e manaomia. Atapue mai faaalologa a le ShelterBox USA. Taumatau: O loo fesoasoani volenitia i le lotoifale e saunia moega i se malutaga mo tagata e leai ni fale i Kalefonia.

Soifua Maloloina Faalemafaufau

O tauiviga faalemafaufau ma faalelagona e mafai ona mafua ai ona lagona e tagata le tapulaa o lo latou gafatia e fesooteai ai ma isi po o le saofaga atoatoa atu i le lalolagi o loo siomia ai i latou. E ala i le sailia o togafitiga mo nei luitau, e masani ona latou lagonaina le olioli sili atu ma le faamalieina ma aoao ia faateleina le maufetuunai.

E ala i se tagata na faasino mai e lo latou epikopo, o tagata o le Ekalesia o loo feagai ma luitau faalemafaufau pe faalelagona e mafai ona maua le tausiga ma punaoa e le totogia mai le Tautua mo Aiga. E tuuina atu foi e le Tautua mo Aiga ni feutagaiga mo taitai o le Ekalesia e lagolago ai a latou taumafaiga e auaina atu i tagata e le tagolima. O loo avanoa le maua o fautuaga mo tagata taitoatasi, ulugalii, aiga, tina nofofua maitaga, ma faifeautalai o le Ekalesia.

O se tasi o punaoa o loo ofoina mai e ala i le Tautua mo Aiga o le *Faamalologa e ala i le Faaola: O Le Polokalama o le Toe Faaleleia o Olaga mai le Tagofia o Mea ua Fai ma Vaisu*. E tuuina atu e le polokalama le lagolago i tagata o le Ekalesia ma isi o e o loo tauivi ma amioga le taupulea ma ofo atu foi vaega lagolago mo tagata o o latou aiga. E ofo atu foi e le Ekalesia i vaega o le ola tutoatasi i le *Mauaina o le Malosi i le Alii: Maufetuunai Faalelagona*, lea e fesoasoani i tagata auai e aoao tomai mo le tetee atu i luitau o le olaga.

Ma le isi, e tuuina atu foi e le Tautua mo Aiga le tausiga faalelagona i taimi o faalavelave. Mo se faataitaiga, i le 2023, na malaga atu ai vaega o faufautua faapolofesa i Maui, Hawaii, e tuuina atu le lagolago faalelagona i tagata o le Ekalesia na aafia i afisosolo faataumaai.

O LE A SE MEA E MAFAI ONA OU FAIA?

- Faaali atu le alofa ma le agalelei faaKeriso i ou tuaoi; e te le iloa lava le mea o loo feagai ma i latou.
- Lagolago le polokalama o le toe faaleleia o olaga mai le tagofia o mea ua fai ma vaisu ma vaega o le maufetuunai faalelagona i la outou eria.
- Ia maua le aoaoga o le “Fesili, Tauanau, Faasino Atu” ia iloa ai pe faapefea ona lagolagoina i latou o siomia oe atonu o loo i ai ni mafauauga e pule i le ola.

218,170 itula o auunaga faufautua

97 atunuu na tautuaina
e le Tautua mo Aiga

2,926 fonotaga faalevaiaso o le toe
faaleleia mai mea ua fai ma vaisu

Toe Mauaina o le Faamoemoe

Ina ua iloa e Lusi* ua faatuina e le Tautua mo Aiga se vaega lagolago i Europa mo e na sao mai sauaga faalefeusuaiga, sa ia lagonaina se lagona faafouina o le faamoemoe ma le auai. O nei vaega e ofoina atu e le Ekalesia ma faafoeina e faufautua ua aoaoina.

O se taunuuga o lona auai, na amata ai ona iloa e Lusi le auala na aafia ai o ia faalemafaufau, faalelagona, ma le faaleagaga. “Na tuua au e le faamoemoe i se taimi ua leva,” o le tala lea a Lusi, “ae o leni ua toe foi mai.”

**ua suia le igoa*

“O se faamanuiaga le mafai ona tatou ... fesoasoani e aumaia le toomaga faalelagona, faaleagaga, ma faaletino ia i latou o siomia i tatou.”

—SISTER J. ANETTE DENNIS,
FESOASOANI MUAMUA I LE AU PERESITENE AOA O LE AUALOFA¹⁴



Agavale: O se tamaitai talavou o loo ataata a o ia faamemelo i le vaega faatasi ma ana uo. Oगतotonu: O se fonotaga a le vaega o le toe faaleleia o olaga mai le tagofia o mea ua fai ma vaisu. Taumataua: O tagata o le Ekalesia o loo taitaia ma auai i se kosi o le maufetuunai faalelagona.

Ola Tutoatasi

E talitonu tagata O Le Ekalesia a Iesu Keriso o le Au Paia o Aso e Gata Ai i le ola tutoatasi. A mafai ona tatou tausia i tatou lava, e mafai ona tatou taulai lelei atu i poloaiga sili e lua a le Faaola: ia alofa i le Atua ma alofa i o tatou tuaoi.

Vaega o le Ola Tutoatasi

Ua ofoina mai e le Ekalesia ni vaega ua mamanuina e fesoasoani ai i tagata o le au paia e atinae le ola tutoatasi. E mafai e tagata auai ona aoao pe faapefea ona amata se pisinisi, pulea mea tautupe, su'e se galuega, ma isi mea. E mafai ona taua le aafiaga.

Mo se faataitaiga, o Osvaldo, na mumutu uma ona lima i se faalavelave matautia a o laitiiti. Sa manao o ia ia ola tutoatasi, o lea sa ia auai ai i le tele o vaega o le ola tutoatasi a le Ekalesia i lona nuu i Parakuei. I nei vaega, sa ia aoaoina ai tomai tau tupe patino ma le sailia o galuega, faapea ai foi ma le auala e maufetuunai ai faalelagona. O le taunuuga, sa mafai ona ia maua se galuega o le maketiina o oloa i luga o le telefoni po o le upega tafailagi, ona amata ai lea o lana lava pisinisi lomitusi ma le pueata.

Taumafaiga Alofa

A o galue le Ekalesia e faafetaiaia manaoga vave e ala i le tele o taumafaiga agaalofoa, e i ai lava i taimi uma le sini ia siitia tagata taitoatasi agai atu i le ola tutoatasi mo se taimi umi.

Mo se faataitaiga, i South Dakota, sa foai atu e le Ekalesia ni masini e fai ai meaai i tagata o le ituaiga o Sisseton-Wahpeton Oyate ia latou maua ai ni auala faaopoopo e tausii ai i latou lava. Sa galulue faatasi foi le Ekalesia ma le faalapotopotoga e le saili tupe o le Upwardly Global e fesoasoani i tagata fai mai i le salafa o le Iunaite Setete ia maua ni faamaoniga e faaauau ai a latou matātā o ni fomaini, fomaini nifo, faiaoga, po o isi matafaioi.



O se vaega o le ola tutoatasi o loo fono faatasi i Aferika i Saute.

14,643 vaega o le ola
tutoatasi na faatautaia

110,019 tagata auai na
faamaeaina se vaega

90 atunuu e i ai tagata auai

Fausiaina o le Ola Tutoatasi e ala i Tomai Fou

I le mavae ai o le faaaluiina o na tausaga talavou e tauivi ai ma vaisu, sa amata ona auai atu Amy i fonotaga a le Alcoholics Anonymous ma galulue e faatumauiina

lona le toe inu ava malosii. Peitai, ona o lona talaaga, sa ia tauivi ai ia maua se galuega o le a mafai ai ona ia lagolagoina lana fanau.

O le taimi lena na ia maua ai le Pawsperity, o se aoga e le saili polofiti e teuteu ai taifau na mamanuina e fesoasoani ai ia i latou e le tagolima ina ia ola tutoatasi atili. Faafetai i se foai mai le O Le Ekalesia a Iesu Keriso o le Au Paia o Aso e Gata Ai, sa mafai e le Pawsperity ona faatoluina le numera o tagata aoga e fesoasoani i ai. Sa mafai e Emi ona lesitala i le polokalama ma aoao ai e le gata i tomai i le teuga o fagafao, ae faapea foi tomai o le olaga e pei o le mafaufau fetalā'i, mataalia o le tagata lava ia, ma fesootaiga.

O LE A SE MEA E MAFAI ONA OU FAIA?

- Saini e alu i totonu mo se vaega o le ola tutoatasi i la outou eria.
- Faasoa atu ou tomai e ala i le aoao atu o se vasega i lou nuu.
- Volenitia mo se galuega faatino e fesoasoani ai i isi e atinae le ola tutoatasi.



Sa feopooi ni tagata se toalua o le nuu ina ua mavae afisosolo i Maui.

Fesoasoani i le Lalolagi Atoa

“Mo le toetiiti sefulu tausaga, sa faipaaga ai le Polokalama o Taumafa a le Lalolagi ma le O Le Ekalesia a Iesu Keriso o le Au Paia o Aso e Gata Ai e tuuina atu meaai ma isi fesoasoaniga taua i tagata sili ona vaivai i le lalolagi atoa. I lenei taimi o manaoga maoae i le lalolagi atoa, matou te faafetai mo le lagolago a le Ekalesia, lea o loo ofo atu se maea faaola mo le faitau miliona o tagata fiaaai ma le faamoemoe mo se lumanai sili atu ona lelei.

—BARRON SEGAR, PERESITENE MA LE PULE SILI O LE POLOKALAMA O TAUMAF A LE LALOLAGI ISA



Ua maua e se tamaitai i Kana le mealofoa o le vaai ina ua uma lona taotoga e aveese ai uga'ia i mata. Atapue mai faaalologa a le Daybreak Vision Project.

572 galuega faatino mo galuega alofa

57 galuega faatino o vai mama, tumama ma le faamamaina [o vai]

131 galuega faatino o le saogalemu o meaai

O LE A SE MEA E MAFAI ONA OU FAIA?

- Auai i se galuega faatino mo togalaau a le alalafaga.
- Talanoa i le tou aoga i le lotoifale e uiga i manaoga faifai pea.
- Aoa atu se tasi i mea ua e iloa e uiga i le tausia o se pepe fou (pe aoao atili oe lava ia).

“O le faigapaaga a le Ekalesia ua ... liuaina olaga ma faamautinoaina e leai se tasi e tuua.”

—EVELYN MERE,
FAATONUSILI O POLOKALAMA,
WATERAID NIGERIA

Aferika

I le 2023, sa galulue ai le Ekalesia e faaititia le mativa ma faateleina le saogalemu o meaai ma maua ai le suavai mama, fale mama, aoga, ma auunaga faafomai i Aferika atoa. O leni galuega ua fausia ai se faavae lelei atu mo nuu o loo tautuaina ai ma atagia ai le tautinoga a le Ekalesia e taulimaina manaoga faavae ma faasoina le mamalu o le tagata.

Faaogaina o Meaai ma Vai Mama

I Kenya, sa galulue faatasi le Ekalesia ma le BOMA, o se faalapotopotoga e le sue polofiti ua faamoemoe e faaleleia atili le saogalemu ma le paleni o meaai, uunaia galuega e lagolago ma tausi ai, aoao tagata e mauaina [fesoasoani] ia saunia mo mea tautupe e ono faatea ai, ma lagolago aoga. E silia ma le 1,000 tagata auai na mauaina aoaoga faamasani i le faatulagaina o “togalaau o le umukuka,” lea e mafai ai e o latou nuu ona maua fualaau faisua e totoina i le lotoifale. O leni mea na iu ai i le 204 togalaau lea ua maua ai nei e aiga ia meaai paleni.

I Hhohho, Eswatini, sa galulue faatasi ai le Ekalesia ma le WaterAid e aumai vai mama i le silia ma le 1,200 tagata o le nuu. O le galuega faatino na aofia ai se suega o vai i lalo o le elele ma tuuina atu [auunaga] i le fauga, galuega, ma masini, lea na iu ai i ni masini vili vai e alu i le paoa o le la.



Ua maua e se tina ma se tamaititi le lagolago mo malutaga ma meaai paleni i le toluapiga o tagata sulufai i Ifo i Kenya.



Agavale: Ua faali atu e se tamaiti lana laulau maketi i le taimi o asiasiga faaleaunaga a Peresitene Camille N. Johnson o le Au Peresitene Aao o le Aualofa ma Bonnie H. Cordon o le Au Peresitene Aao o Tamaiti Talavou i Aferika. Taumatau: O se tina i Madagascar o loo iligi atu vai mama i luga o lima o lana tama teine.

Aoga

I le nuu maotua o Ngaremara, Kenya, sa galulue ai le Ekalesia ma le BOMA e faafoe sauniuniga o tamaitai i le lotoifale mo le amataina o se pisinisi, ma tuuina atu ia i latou se punavai faifaipea o tupe maua mo o latou aiga ma se auala e faatupulaia ai lo latou tulaga i o latou nuu. E ala i faufautuaga ma aoaoga faamasani, na aoao ai e tamaitai le auala e malamalama ai i le tau o oloa i le maketi. Mo se faaitaitaiga, sa latou aoao e faatau mai sapolai i ni aofaiga tetele e faaitiitia ai tau o femalagaaiga faisoo ma faateleina ai a latou polofiti.

Tausiga o le Soifua Maloloina ma Manaoga Faapitoo

I Abuja, Nigeria, sa foai atu ai e le Ekalesia ni masini faafomai i le Federal Medical Center, e aofia ai masini ma nofoa mo le faamamaaga o le toto, pusa tioata faamafanafana ma moega o pepe, moega o le falemai, ma faailo o ma'i. Ma le isi, sa fesoasoani le Ekalesia e fausia se masini e faamama ese ai aione [ions] ma patikale [particles] lapopoa i vai ina ia maua ai e le iunite faamama toto ni vai mama.

Sa ave foi le faamuamua a le Ekalesia le tausiga o pepe fou ma failele, i le galulue faatasi ai ma le faigamalo i le lotoifale i Enugu, Nigeria, e tuuina atu aoaoga faamasani faatino i le faamanavaina o pepe fou ma isi tomai. E le gata i lea, sa galulue faatasi le Ekalesia ma le UNICEF e fatu faatasi ni polokalama faufautua i Tanzania, Kenya, ma Ethiopia, ma faavaeina ni fale e aoao ai ina ia faaleleia ai le tulaga lelei o le tausiga o failele ma pepe fou.

I fafo atu o Harare i Zimbabwe, na faamaeaina ai e volenitia le fauga o se falemai fou faatasi ma ni faleletaua ma faletaele. Sa faamaopoopo faatasi e le aufaigaluega a le Ekalesia ma le matagaluega o le soifua maloloina i le lotoifale ia faaleleia fale mo le aufaigaluega o le falemai ma tuuina atu le vai mama e ala atu i se lualoloto e faagaioia i le paoa mai le la. E silia ma le 3,500 tagata o le nuu i Rwizi sa faamanuiaina mai leni taumafaiga.

Manuia Ai E Le Na o le Toatasi ae o le Toatele

O Rafaelu o se faifaatoaga i Zambia o le sa tauivi ma le maualalo o seleselega o lana togaaniani, faapea foi ma faafitauli faifai pea i manu faalafua ma faama'i. E ala i le iDE (International Development Enterprises) i Zambia—faatasi ai ma le lagolago mai le O Le Ekalesia a Iesu Keriso o le Au Paia o Aso e Gata Ai—sa mafai ai e Rafaelu ona maua aoaoga faamasani e uiga i metotia mo le atinaega faifaipea lea e mafai ona faateleina ai le totoina o aniani ma isi laautoto e maua ai tupe. Na tuuina atu e le iDE ia fatu aniani ma fesoasoani e faapipii se faagaau e tele gutupaipa e fui ai laau i lona fanua.

Faatasi ai ma leni fesoasoani, ua faaleleia ai e Rafaelu le totoina o laautoto ma le tetele atu i manu faalafua. Sa matua faamanuiaina lava o ia o lea sa filifilia ai o ia e le iDE Zambia e aoao isi faifaatoaga i le totoina o aniani, tamato, pinati, ma isi laautoto—lea na mafai ai e ia ona faamanuia isi ma faateleina ai le mauaina o meaai ma tupe maua.



Agavale: Ua maua e se aiga le tausiga o mata i se nofoaga autu e tausi ai mata i Initia. Taumatau: O ni allii se toalua i Taialani o loo galulue i le la togalaau.

**305 galuega faatino mo
aunaga alofa**

81 galuega faatino mo aoaoga

**78 galuega faatino mo le
faaleleia o le falemai**

O LE A SE MEA E MAFAI ONA OU FAIA?

- Asiasi i tagata mama'i i la outou falemai i le lotoifale.
- Volenitia e faiaoga pe faitau atu i tamaiti i la outou eria.
- Aoaoga atu i isi e uiga i le fufuluina o lima ma isi faiga sili ona lelei e aloese ai mai le mama'i.

Asia

Faatasi ai ma isi taumafaiga, sa galulue le Ekalesia i le 2023 e talanoaina faafitauli o le tausiga o le soifua maloloina, a'oga, ma le vai mama ma le tumama i Asia atoa. O lenei galuega ua faaalua ai e oo lava i saofaga aupito itiiti e mafai ona faia se lalolagi o eseese i se tasi e manaomia le fesoasoani.

Tausiga o le Soifua Maloloina

I le tele o eria o Asia, o falemai e taotaomia i le maua o ni aoaoga faamasani, masini faaonaponei, ma fale talafeagai. I le 2023, sa taulai atu ai le Ekalesia i le faaleleia atili o le tausiga o le soifua maloloina i le eria atoa, aemaise lava i Kemupotia. Mo se faataitaiga, i le Falemai Faaitumalo o Kampong Thom, sa fesoasoani ai le Ekalesia e toefaaofou ni nai fale, tuuina atu ni masini fou, ma fesoasoani e aoao le aufaigaluega o foma'i i taotoga ia e momono ai se faagaau puupuu lauiti e ala atu i le tafaga o le laualo ma le faamanavaina o pepe fou. O le taunuuga, ua faitau afe tagata i le itulagi ua mafai ona maua le tausiga faafoma'i e manaomia ma olioli i taimi pupuu e toe manuia ai ma le maualalo o le pasene o tagata maliluu.

Faatasi ai ma isi taumafaiga, na tuuina atu foi e le Ekalesia:

- Aoaoga faamasani i le faamanavaina o pepe ma i le pulea e le tino o gaoioiga mo tagata tomai faapitoa faafoma'i i nuu maotua o Initonesia.
- O masini sonokalafi [masini pueata e faaoga ai galugalu o le pa'o, moega e faafanau ai pepe, ma isi masini faafoma'i i Meleisia.
- O fata a taavale falemai e faataoto faasa'o ai ivitu, faapea ma masini e avatua mea suavaia i le tino ma pamu o tui e faaoga i iunite o gasegase tigaina i Taialani.



O se tina ma lana tama teine i se paka i Hong Kong.

Aoga

I le 2023, sa galulue ai le Ekalesia e faalauiloa atu aoga mo tagata aoga i Asia atoa. Mo se faataitaiga, i Kemupotia, sa mafai e tagata aoga ona fiafia i taualuga fou, fola, potu taele, pamu vai, ma isi fale mo le tumama i a latou aoga, ma mafai ai ona latou taulai atili atu i a latou aoaoga. E faapena foi i Monokolia, sa galulue le Ekalesia ma taitai o le malo ma aoga i Tov Aimag e tuuina atu ni atofaafafa se 1,000 i tagata aoga laiti e le gafatia e o latou matua ni meaaoga.

Vai Mama ma le Tumama

O le mauaina o le vai mama e faaleleia ai le saogalemu ma le ola tutoatasi mo tagata uma. I Turkmenistan, sa galulue ai le Ekalesia ma le Caritas e toefaalelei ma faatetelē masini e sapalai ai le vai ma tuuina atu aoaoga i le tumama, ma le puipuia mai faama'i, ma faiga masani e taulima saogalemu ai otaota, ua manuia ai le faitau afe o tagata o aumau ai.

I Baganuur, Monokolia, sa galulue ai le Ekalesia ma le matagaluega o le suavai i le lotoifale e faapipii ni masini ultraviolet e tape ai siama o le vai i nofoaga uma o pamuvai i le eria. O lenei mea na mafai ai e le faitau sefulu afe o tagata i Baganuur ona fiafia e maua le suavai mama i nofoaga uma o pamuvai i le eria.

O se Olaga Lelei Atu i le mavae ai o se Faalavelave

Ina ua lulu se mafuie e 5.6 le malosi i Java i Sisifo, i Initonesia, na faaleagaina ai le fale o Ibu ma lona toalua. Faatasi ai ma le fesoasoani mai le O Le Ekalesia a Iesu Keriso o le Au Paia o Aso e Gata Ai ma isi faalapotopotoga e le ā le malo, sa maua ai e Ibu ma lana tane se ta'ui fesoasoani lea na fesoasoani ia i laua e faatu ai se malutaga le tumau i luga a'e o lo latou fale ma amata ai ona toe fausia o latou olaga.

O se taunuuga o lena fesoasoani, sa mafai ai e Ibu ona tatala se tamai faleoloa ma amata ai ona maua se tupe mo lona aiga, lea na fesoasoani ia i latou a o faaauau pea ona latou toe manuia mai lenei faalavelave.

“O le Ekalesia a Iesu Keriso o le Au Paia o Aso e Gata Ai ua mafai ai ona matou oo atu i nuu sili ona vaivai i le salafa o le lalolagi faatasi ai ma se fesoasoani taua i taimi e sili ona latou manaomia ai.”

—KERRI MURRAY, PERESITENE O SHELTERBOX USA

99 galuega faatino mo aoga

54 galuega faatino mo
tausi soifua maloloina

28 galuega faatino o le tali
atu i faalavelave faafuasei

Vaايا o se Lumanai Manuia i Luma Atu

O lakopo, o se faufautua faaakatemia i se iunivesite i Atumotu o Solomona, na tauaso ona o uga'ia na mafua ona o le ma'i suka. O lenei luitau na faalavelaveina ai lana galuega ma lona gafatia ona tausia lana fanau laiti e toalua. Sa tauaso lakopo mo le iva masina ona mafai lea ona toe maua lana vaaiga e ala i se taotoga i [lona] atunuu i le Nofoga Autu a le Risone mo Mata. Sa mafai ona [faia] lenei taotoga e faafetai ai i se saofaga a le Ekalesia o masini fai taotoga i le Fred Hollows Foundation NZ.

"Ou te viia le Alii mo le mafai ona [ou] toe pupula," o le tala lea a lakopo. "E i ai so'u lumanai manuia i luma atu."

O LE A SE MEA E MAFAI ONA OU FAIA?

- Faitau atu i se tamaitiiti.
- Ave se tuaoi i lau taavale i le fomai.
- Aoa le faiga o meaai paleni ma faasoa atu mea ua e aoaoina i uo ma aiga.

Ausetalia, Filipaina, ma le Pasefika

E feagai tagata e aumau i le Pasefika ma mala faalenatura masani, e aofia ai afā, lologa, pa o mauga mu, ma mafuie. I le tele o nofoaga, o loo i ai foi manaoga e faatatau i le suavai mama ma aoga. O loo auai malosi le Ekalesia i le talanoaina o ituaiga luitau taitasi.

Faalavelave Faalenatura

I le 2023, o le tele o 'aoga i malo o le Pasefika na faaleagaina mai afā ma lologa. I le tali atu i ai, sa saunia ai e le Ekalesia ni anomea mo le fauga ma meāfale e toe faafou ai potuaoga. I Ausetalia, sa lagolagoina foi e le Ekalesia taumafaiga e toefausia [fale] ina ua mavae lologa faataumaoui i le itulagi o Sisifo Tutotonu.

'Aoga

I Filipaina, sa galulue faatasi ai le Ekalesia ma le World Possible e tuuina atu ni pitolelei i le lotoifale ua ta'ua o tautua autu a RACHEL i 'aoga maotua e le maua ai le initoneti, ua mafai ai ona latou tuuina atu se tulaga maualuga atu o aoaoga i tagata aoga.

Vai Mama ma le Tumama

O le matutu tupu soo ma le siisii o le maualuga o le sami ua ta'ita'i atu ai i se mala o le suavai i le motu o Kiripati. O le tele o le masima i puna o vai i motu i tua atu ua faateteleina ai le se saogalemu mo le inuina. I le tali atu i ai, o loo galulue ai le Ekalesia ma le CDE Suez Pacific e mamanu ma faapipii ni iunite e aveese ai le masima mai le vaimasima i nuu e lima i motu i tua atu, lea o le a tuuina atu ai i le 5,000 o tagata o loo aumau ai vaiinu saogaemu mo le tele o tausaga a sau.



O tamitai talavou o loo auai i se galuega fesoasoani i Ausetalia.

O Le Atu Keripiane

I le 2023, sa taulai atu ai taumafaiga a le Ekalesia i le Atu Keripiane i le tausiga o le soifua maloloina ma le faigaluega.

Tausiga o le Soifua Maloloina

I le Ripapelika Tominika, e toa 24 tagata aooga na mafai ona maua aoaoga faamasani i le lipeaina ma le suesueina o masini faafomai e faafetaia ai sikolasipi na saunia e le Ekalesia. Sa saunia foi e le Ekalesia se masini pueata e faaaooga ai galugalu o le pa’o e faaleleia atili ai le tausiga o tina maitaga ma failelele i le Regional Maternity Hospital i Santa Cruz de Mao.

Galuega

Ina ia fesoasoani e talanoaina le leai o ni galuega, sa galulue ai le Ekalesia ma le Innovati Foundation e aoao tagata o le Ekalesia i Ripapelika Tominika i le auala e faagaioi ai se pisinisi. I le avea ai ma se vaega o lenei galuega faatino, na maua ai e tagata auai le ono masina e [aoaoga] faufautua, e mafai ai ona latou maua le fesoasoani fai taitoatasi i le faaolaina o a latou pisinisi.

Mauaina o le Fesoasoani ma le Faamoemoe

Sa sao mai Makalita mai le tele o matagi i lona olaga a o lei taia e le Afa o Fiona lona fale i Puerto Rico. Peitai, ona o le matua o lona soifua, sa faigata ai ia te ia i lenei taimi e aluese ma le fale e faatau mai mea sa ia manaomia.

O le mea na lelei ai, na aumai e volenitia i le lotoifale ia te ia ni pusa mo le tausiga mamā na tumu i fasimoli, fasimoli fufulu lauulu, kulimi fufulu nifo, ma isi sapalai. O nei pusa mo le tausiga mamā—na sapalaia mai ai e le Project HOPE ae faatupeina e le Ekalesia—sa mafai ona maua e fesoasoani ai i tagata matutua po o tagata e vaivai, e pei o Makalita.

28 galuega faatino mo le tausiga o le soifua maloloina

26 galuega faatino mo le tali atu i faalavelave faafuasei

22 galuega faatino mo aoga

O LE A SE MEA E MAFAI ONA OU FAIA?

- Volenitia i se faalapopotoga e le maua ni polofiti i lou nuu.
- Feiloai ma taitai faalemalo i le lotoifale e aoao atili e uiga i mea e ave i ai lo latou faamuamua mo le tausiga o le soifua maloloina o le lautele.
- Faasino atu se uo i se tasi o vaega o le ola tutoatasi a le Ekalesia i le amataina o se pisinisi.

“Ua faaalua e le O Le Ekalesia a Iesu Keriso o le Au Paia o Aso e Gata Ai se tautinoga le maluelue i le lagolagoina o le misiona a le UNICEF e aapa atu i tamaiti i le salafa o le lalolagi i auauunaga e laveai ai le ola o le soifua maloloina ma meaai paleni.”

—MICHAEL J. NYENHUIS,
PERESITENE MA LE AOS O LE UNICEF USA



Ua sauni se fomai tipitipi i le Ripapelika Tominiko e faatino se faatinoga faafomai.



Agavale: Ua fafagaina e se aiga i Polivia a latou fanau laiti i se meaai paleni. Taumatau: Ua fesoasoani se alii i se galuega fesoasoani i Peru.

39 galuega faatino mo aoga

33 galuega faatino mo le tali atu i faalavelave faafuasei

75 galuega faatino mo le tausiga o le soifua maloloina

O LE A SE MEA E MAFAI ONA OU FAIA?

- Volenitia i se faalapotopotoga tumaoti i le lotoifale e fesoasoani ia i latou na aafia i faalavelave faalenatura.
- Foai atu sapolai o meaaoga i a outou aoga i le lotoifale.
- Siaki le JustServe.org e su'e ai avanoa e fesoasoani ai i e mama'i i la outou eria.

Amerika Tutotonu ma Amerika i Saute

I le 2023, ma matele lava ina taulai atu taumafaiga agaalofa a le Ekalesia i Amerika Tutotonu ma Saute e lagolago ai i le tali atu i faalavelave faafuasei, 'aoga, ma le tausiga o le soifua maloloina.

Faalavelave Faalenatura

Faatasi ai ma isi taumafaiga, sa galulue faatasi ai le Ekalesia ma taitai i le lotoifale e tuuina atu le fesoasoani ia i latou na aafia i lologa ma eleele solo i São Paulo, Pasila. O foai na aafia ai aitema e pei o faamalū ma isi mea tau moega, sapolai ia mamā ai mai faamai, ma anomea e fufulu ai mea e faaaoga. Sa faia foi e tagata o le Ekalesia se matafaioi taua, i le volenitia malosi ia mautinoa e tufatufa atu nei mea ia i latou na manaomiaina.

E faapena foi, ina ua sosolo ni afisosolo i Chile, sa minoi loa le Ekalesia e tuuina atu le fesoasoani. E faaopoopo atu i le tuuina atu o meafaigaluega e fesoasoani ai i nuu i le lotoifale e faamama otaota, sa faamaopoopo foi e taitai o le Ekalesia i le lotoifale e fesoasoani e toefaaola fesootaiga o le suavai na faaleagaina. Sa faapotopoto foi tagata o le Ekalesia e ao mai ma saunia foai o meaai, napekini, ma mea e faaaoga i faletaele ina ia manuia ai i latou na aafia i mu.

Aoga

I Montevideo, Iurukuei, e faitau selau talavou o le Ekalesia sa volenitia e tuufaatasi ni ta'ui o meaaoga mo tagata aoga i aoga maotua. O leni taumafaiga na fesoasoani e faaleleia atili ai le auai i aoga ma taumafaiga faaaketamia i le salafa o le itulagi.

Sa galulue foi le Ekalesia e toefaaaleleia potuaoga ma tuuina atu ni mea e faaaoga sa foai atu, e lagolago ai i le 'aoga a tagata aoga. Mo se faataitaiga, i Panama, sa foai atu e le Ekalesia le faitau selau o komepiuta i le Matagaluega o Aoga, ua fesoasoani ai i le faitau selau o tagata aoga ia maua avanoa sili atu e aoao ai i luga o le initoneti.



Agavale: Ua mau e tagata aooga i El Salvador ni matatioata. Taumatau: Ua fesoasoani se alii e faamama i le uma ai o se afisosolo i Chile.

Tausiga o le Soifua Maloloina

I le 2023, sa auai tagata o le Ekalesia i Amerika Tutotonu ma Saute i le tuiga toto e lagolago ai falemai ma gasegase i le lotoifale. Sa tuuina atu foi e le Ekalesia ni masini, aoaoga faamasani, ma isi lagolago i polokalama faafomai ma faama'ite i le tausiga o le soifua maloloina i le eria atoa. Mo se faataitaiga, i El Salvador, sa galulue faatasi ai le Ekalesia ma le National Institute of Santa Ana e tuuina atu ni matatioata i le faitau selau o tagata aooga.

O Se Meafaigaluega e Ausia ai Ana Sini

Mo le tele o tausaga, o Shirly—o se tamaitai talavou mai Kuatemala—sa leai se auala e faatau ai lana lava nofoa faataavalevale. Nai lo lena, sa faamalosa o ia e faaoga se nofoa faataavalevale nono, o le mea e faanoanoa ai, sa le fetai ma ona tulaga po o manaoga faaletino.

Peitai, i le 2023, na suia ai na mea uma. Faafetai i se galulue faatasi i le va o Le Ekalesia a Iesu Keriso o le Au Paia o Aso e Gata Ai ma le Fundabiem Kuatemala, sa mafai ai e Shirly ona maua se nofoa faataavalevale e mafai ona fetuunai i ona manaoga. Sa ia fai mai, “O lenei nofoa faataavalevale ... o le a avea ma meafaigaluega o le a faatagaina ai a’u e ausia a’u sini.”¹⁵



Ua auai se alii talavou i se galuega faatino i Peru.

“E ala i polokalama lagolago i Amerika Tutotonu, Amerika i Saute, ma Aferika, ua avea ai le Ekalesia ma se tasi o a matou paaga sili ona faatosinaina e faamaonia se faataitaiga mautu o le tilivaina atu o le vai ma auunaga mo le tumama.”

—SAMASONI HAILU-BEKELE,
CO-CEO O LE VAI MO TAGATA

79 galuega faatino mo le tali atu i faalavelave faafuasei

37 galuega faatino mo faalavelave faafuasei na taulai atu i le fesoasoani i tagata ua leai ni fale

242 galuega faatino na taulai atu i le fesoasoani i isi aofia puapugatia

O Le Tausiga Faalemafaufau ma le Faaletino e Faia ai se Eeseega

Ina ua faatamaia e feteenaiga lona nuu i lukureini, sa faamalosia Olga ma lona aiga e tuua lo latou fale. O lea aafiaga na matuai tele se aafiaga i le soifua maloloina faalemafaufau ma faaletino o le aiga, ma sa le'i ai sa latou tupe e mautotogi ai i se fale mautotogi. O le mea e lelei ai, sa latou maua le fesoasoani e ala i se galulue faatasi i le va o Physicians for Human Rights ma le O Le Ekalesia a Iesu Keriso o le Au Paia o Aso e Gata Ai.

E ala mai i lenei galuega faatino, ua mafai ai e Olga ona maua le tausiga faafomai ma faalemafaufau na manaomia, faapea foi ma malutaga. "Matou te faafetai tele i tagata uma o e alolofa ia i matou ma fesoasoani mai ia i matou," o le tala lea a Olga.

O LE A SE MEA E MAFAI ONA OU FAIA?

- Saili atili e uiga i manaoga o aofia puapugatia i la outou eria.
- Faamafanafana i se uo po o se tuaoi atonu o loo feagai ma se luitau i o latou olaga.
- Volenitia mo se galuega faatino e faamama ai le alalafaga.

Europa

I le 2023, o gaoioiga agaalofa a le Ekalesia i Europa sa tele ina taulai atu i le fesoasoani i aofia na aafia i feteenaiga faalemalo ma mala faalenatura, o le toatele o i latou na i ai manaoga mo malutaga ma isi mea faavae, faapea foi ma le tausiga o le soifua maloloina faalemafaufau ma faaletino.

Tali Atu i Faalavelave Faafuasei

Ina ua mavae le faaleagaina na mafua ona o mafuie tetele ia Fepuari, sa galulue faatasi ai le Ekalesia ma le Türkiye's Disaster and Emergency Management Authority ma le Matagaluega o le Soifua Maloloina e tuuina atu ni fesoasoaniga lautele mo e na sao mai. O se taunuuga o lenei galulue faatasi, e lima falemai feaveai ma fale koneteina e 500 na faatutuina, ma sa saunia meaa, vai, ma sapalai o le tumama e fesoasoani ai i le faitau afe o tagata taitoatasi ma aiga.

Fesoasoani i le Aofia Mafatia

I nisi o eria o Europa, o le 2023 na vaaia ai le oso i luga o le aofai o tagata o loo tauivi e faatumauiina o latou lava fale—a le ona o feteenaiga po o luitau faaletagata lava ia. Sa tali atu le Ekalesia ma le tele o galuega faatino e talanoaina ai le leai o ni fale, e aofia ai se galuega faatino i Italia ma Progetto Arca e saunia ai lavalava ma meaa mo i latou e le tagolima. Sa aofia ai i lenei mea se umukuka feaveai, lea na mafai ai ona tufaina atu taumafataga vevela i tagata taitoatasi e manaomia le fesoasoani i aai e fitu.

Soifua Maloloina Faalemafaufau ma le Faaletino

Faatasi ai ma le feteenaiga faifai pea i Iukureini, sa ofoina atu ai e le Ekalesia le fesoasoani muamua faalemafaufau ma le tausiga faalelagona i tagata taitoatasi na aafia i sauaga ma le aveesea mai o latou fale. Sa faapotopoto foi e volenitia a le Ekalesia i Potukale ni lipine o le nofouta e lagolago ai sailiga o le kanesa o le susu. Ma i Rusia, sa foai atu ai e le Ekalesia ni masini e fesoasoani ai i tamaiti e faaletonu le vaai ma faletonu le tautala.



Agavale: O se vaega o tagata sulufai mai lukureini o loo maua le lagolago faalelagona mai faufautua. Ata mai le Faaloolaga a le MEDU. Taumatau: O tagata o loo aafia i le leai o ni fale i Roma o loo faatalitali i le laina e maua ai meaa ma lavalava. Ata pue mai faaloolaga a Progetto Arca.

O Sasae Tutotonu

I le 2023, sa galulue faatasi ai le O Le Ekalesia a Iesu Keriso o le Au Paia o Aso e Gata Ai ma le tele o sui o toomaga faavaomalo i Kasa ma Isaraelu e tuuina atu punaoa tautupe mo le tausiga ogaoga faafomai ma le soifua maloloina faalemafaufau, faatasi ai ma isi manaoga. E le gata i lea, sa galulue le Ekalesia e talanoaina manaoga eseese i Sasae Tutotonu atoa, e aofia ai le tausiga o le soifua maloloina, galuega, ma fesoasoaniga mo le aofia puapuagatia.

Tausiga o le Soifua Maloloina

I le itulagi o Kurdistan i Iraq, sa faaauau ai e le Ekalesia ona lagolago le Nursing Midwifery and Development Center. O lenei taimua soosoo tauau faatasi ai ma faalapotopotoga a le malo ma nuu i le lotoifale ua faamoemoe e faaleleia atili le soifua maloloina o pepe fou ma tina i le eria e ala i le tuuina atu o aoaoga faamasani ma le lagolago mo tausimai ma faatosaga. O lenei galuega faatino ua faamamafaina ai le matafaioi taua e faia e tamaitai i le faamalolosa o o latou nuu.

Galuega

I le 2023, sa faaauau ai e le Ekalesia lana galuega e lagolago ai taumafaiga faalegaluega i Sasae Tutotonu. Mo se faaitaiga, sa galulue le Ekalesia ma le Young Women’s Christian Association (YWCA) e talanoaina le maualuga o le fuainumera o le lei o ni galuega i Ioritana. E ala i lenei galulue faatasi, sa faatupeina ai e le Ekalesia ni polokalama faaleaoaoga faalegaluega lea na fesoasoani i tagatanuu o Ioritana, faapea foi le toatele o tagatanuu o Suria i le atunuu, e aoao se matātā ma maua ai se galuega.

Fesoasoani mo Aofia Puapuagatia

O fesoasoaniga alofa a le Ekalesia i Moroko o loo faia se aafiaga taua i vaega o le aofia e masani ona le amanaiaina e tagata lautele. Faatasi ai ma isi taumafaiga i le 2023, sa saunia ai e le Ekalesia ni avanoa mo gaoioiga e fai i fafo ma faletetele e nonofo ai mo le Passerelle Autistic Center. O lenei nofoaga autu e aoao ai le autalavou e faaletonu le tuputupu ae faalemafaufau i tomai faavae e fesoasoani ai ia i latou ia ola tutoatasi atili, faapea foi ma tomai faapitoa i faatoaga, taaloga, musika, ma faatufugaga. O nei taumafaiga e faateleina ai le mafai ona faafaigaluega ma faaleleia ai le tulaga lelei o le olaga mo tagata talavou e nonofo i le nofoaga autu.

53 galuega faatino na taulai atu i le fesoasoani i tamaitai ma tamaiti

25 galuega faatino mo le tausiga o le soifua maloloina

78 galuega faatino mo le tali atu i faalavelave faafuasei

O LE A SE MEA E MAFAI ONA OU FAIA?

- Foai atu palanikeke pepe i la outou falemai i le lotoifale.
- Aoao tamaiti i lou nuu e uiga i le tausiga mama mai faama'i ma le tumama.
- Volenitia i se nofoaga tutotonu e lagolago ai tagata o loo sailia ni nofoaga e toe faamautu ai o sulufai atu i lou nuu.

Toe Faaleleia mai Lologa i Pakisitana

Ina ua oo atu lologa i le nuu o Ghulam i Pakisitani, sa faigata ia i laua ma lona toalua ona faasaoina se mea mai lo latou fale. O lona maitaga ma manaoga faapitoa o lana tane na taofia ai foi i laua mai le sefeina o a latou lafumanu, lea sa na o le pau lea o le auala na maua ai a laua tupe maua.

Sa galulue faatasi le O Le Ekalesia a Iesu Keriso o le Au Paia o Aso e Gata Ai ma le ShelterBox ISA ma le Toomaga Faa-Isalama e tuuina atu meaalofo o tinoitupe ia Ghulam ma isi aiga na aafia i lologa. O lenei meaalofo, ua amata ai Ghulam i le auala i le toe faaleleia, faatau ai meaai, lavalava, ma 'oti e toe amata ai a latou pisinisi faaleaiga.



Ua faapopototo se aiga i Pakisitani i se malutaga ina ua aveese mai i latou mai lo latou fale ona o lologa. Ata mai le faaalooaloga a le SheterBox.



Agavale: Sa uta e taitai o alii talavou ni fafie ina ia manuia ai tagata o loo nonofo i Fanua o Tagatanuu o Amerika i le Iunaite Setete. Taumatau: Ua saunia e volentia se malutaga mo tagata e leai ni fale i Kalefonia.

200 galuega faatino na taulai atu i le fesoasoani i tamaitai ma tamaiti

170 galuega faatino o malutaga ma fale

261 galuega faatino o le saogalemu o vai mama ma meaai

O LE A SE MEA E MAFAI ONA OU FAIA?

- Faasoa atu se meaai i se tasi o aafia i le leai o se aiga.
- Lagolagoina le aoina mai o meaai i le pitonuu.
- Aoa atili e uiga i manaoga o tamaitai ma tamaiti i totonu o lou nuu. Talanoa faatasi ma au uo ma aiga e uiga i mea ua e aoaoina.

Amerika i Matu

Faatasi ai ma le tele o galuega fesoasoani alofa na faia i Amerika i Matu i le 2023, sa faia ai e le Ekalesia ni taumafaiga tetele e fesoasoani ai i tagata taitoatasi na aafia i le leai o ni fale, o le le mafai ona lava ni meaai e maua, sauaga ma faalavelave faalenatura.

Fale

I Kanata, sa foai atu ai e le Ekalesia ni tupe i le malutaga mo tagata e leai ni fale o le Old Brewery Mission, o se tasi o [faalapopotoga] ua leva i le atunuu. O le saofaga na fesoasoani i le malutaga e faaonaponei ona fale ma auaunaga, tuuina atu ni siosiomaga saogalemu ma maloloina ma faateleina le faapatinoina ma le mamalu mo tagatanuu. O le malutaga ua toe faafouina o le a mafai nei ona faofaleina ai tagata taitoatasi e 197 i le po.

Sa galulue foi le Ekalesia ma le tele o faalapopotoga e toefaanofaia tagata taitoatasi o loo sailia se sulufaiga po o se puipuiga. O nei faalapopotoga e aafia ai le United States Conference of Catholic Bishops, le International Rescue Committee, le United States Committee for Refugees and Immigrants, ma le tele o sui i le lotoifale. I le faamaopoopo ai ma se tasi o ofisa o le lotoifale, o le Al-Masbaah, sa fesoasoani ai le Ekalesia e faatau fala momi e 500 ma isi sapolai mo tagata sulufai i Sacramento, Kalefonia, o e sa momoe i luga o le fola.

Meaai ma Vai

I Mekisiko, sa galulue ai le Ekalesia ma le Building Hope Foundation e faapipii ni fausaga se lua e tali ai vaitimu i Pachuquilla, o se tamai nuu pe tusa ma le 40 aiga. O nei fausaga fou, lea e aafia ai alavai, faamamā, ma tane e teu ai vai, na maua ai e aiga le suavai mamā ma alavai mo togalaau i tuafale.

I le Iunaite Setete, na foai atu ai e le Ekalesia tupe i le Fafagaina o Amerika e fesoasoani e faatau ai meaai mo i latou e le tagolima. Sa foai atu foi e le Ekalesia le faitau selau o loli o oloa i upega tafailagi autu e tufatufaina meaai i le salafa o le atunuu.



Agavale: O loo tufa atu e volenitia taumafataga o le afaifi i le Old Brewery Mission i Quebec. Taumatau: O se tamaitai ma lana pepe i le The Chicago Citywide Community Baby Shower.

I Kanata, sa foai atu ai e le Ekalesia ni oloa mai faleteuoloo epikopo i le faalapotopotoga agaalofo o le Mustard Seed i Alberta ma tuuina atu foai o tinoitupe i fale e tufatufa atu ai o meaai o le Fort Saskatchewan ma le Daily Bread e fesoasoani ai ia i latou e faalatele lo latou gafatia e tufatufa atu ai.

Tamaitai ma Tamaiti

I le Iunaite Setete, sa lagolagoina ai e le Ekalesia se faataelega pepe faatasi ma le Ekalesia a le Atua ia Keriso e faafesootai ai le silia ma le 400 tamaitai maitaga i punaoa a le alalafaga. I le faamoemoe e faafetauia maluu e mafai ona taofia i tina Uli i Sikako i Saute, o loo galulue ai foi le Ekalesia ma le Au Faatosaga Melanated ina ia faateleina aoaoga o le fautuaina o tina maitaga ma faafesootai tina o i ai i tulaga lamatia i auaunaga faafomai taua.

Sa faia foi galuega faatino e puipuia ai tamaitai ma tamaiti mai sauaga faatautala ma sauaga i aiga. I le YWCA SafeChoice Domestic Violence Shelter, sa saunia ai e le Ekalesia mea e faaoga i le umukuka, mo le momoe, aitema o le umukuka, ea malulu ma isi mea e tele e faaleia atili ai le gafatia o le malutaga e fesoasoani ai i tamaitai e le tagolima. O se taunuuga o foai ma faafouga, o le a mafai ai e le malutaga ona tautuaina le silia ma le 400 tagata i tausaga a sau.

Faatoilaloina o le Leai o se Fale ma le Toe Foai Atu

O Nneka, o se tamaitai mai Kalefonia, sa tauivi ma se vaisu ina ua tuliese o ia mai lona fale mautotogi faatasi ma lana tama teine ma lana fanau. I le sueina ai o se nofoaga fou e nonofo ai, sa ia fai mai ai, “Sa ou telefoni atu i soo se mea, ae e leai se tasi e mafai ona talia i matou. Mulimuli ane, na fai mai le Bay Area Rescue Mission, ioe.”¹⁶

E galulue faatasi le O Le Ekalesia a Iesu Keriso o le Au Paia o Aso e Gata Ai ma le Bay Area Rescue Mission, e tuuina atu i tagata taitoatasi e pei o Nneka malutaga le tumau ma le lagolago latou te manaomia e galulue ai i luitau ma toe tutu ai i o latou vae. Faatasi ai ma lena fesoasoani, fai mai Nneka ua mafai ona ia faatoilaloina mea na fai ma ana vaisu, toe maua lana taulaiga, ma toe faafoi atu [le fesoasoani] e ala i le fesoasoani i isi tamaitai ma tamaiti.

“O a outou saofaga mai le loto ua faia ai se eseese tele i olaga [o tamaitai ma tamaiti].”

—STEPHANIE SEWELL,
SUI PERESITENE O LE DEVELOPMENT,
BAY AREA RESCUE MISSION

Faafetai Lava

Matou te fia faafetai atu i tagata ma uo o le Ekalesia o e na auai i le tele o auala i le galuega e tausia ai i latou e le tagolima i le aluga o le tausaga ua tuanai. O le a le mafai ona faia lenei galuega pe ana le aunoa ma lo outou agaalofa ma le agalelei ia i latou o loo feagai ma faigata i le lalolagi atoa. Matou te faafetai mo i latou uma o e o loo faaaauu pea ona sailia ni auala e fesoasoani ai i o latou tuaoi.

Faafetai atu mo foai uma, itula volenitia, ma tatalo ua faaopoopo mai i lenei galuega. E oo lava i taumafaiga aupito ititi, pe a tuufaatasia ma saofaga a isi, e mafai ona ausia ai le lelei tulaga ese. Matou te faamoemoe o la outou auaunaga ua faamanuiaina ai outou i le faateleina o le filemu, faamoemoe susulu atu mo le lumanai, ma le alofa mama sili atu mo fanau uma a le Atua i le lalolagi atoa.



Punaoa e Aoao Atili Ai

Mo nisi faamatalaga e uiga i a tatou galuega fesoasoani alofa i le lalolagi atoa ma le auala e [te] faaaafia ai i lou nuu, mulimuli mai ia i tatou i le:



[@Caring.ChurchofJesusChrist](#)
[@DeseretIndustriesThrift](#)
[@JustServe.org](#)



[@Caring.ChurchofJesusChrist](#)
[@DeseretIndustries](#)
[@Just_Serve](#)



Aoao atili e uiga i le tautinoga a le Ekalesia e tausia i le [Caring.ChurchofJesusChrist.org](#).



Faaoga le numera faailo i le itu agavale e sii mai ai le polokalama JustServe ma amata ai i se galuega faatino i le lotoifale i lo outou eria.

Ina ia aoao atili, mulimuli mai ia i matou i le:

[ChurchofJesusChrist.org](#) | [Caring.ChurchofJesusChrist.org](#) | [JustServe.org](#) | [DeseretIndustries.org](#) | [AddictionRecovery.ChurchofJesusChrist.org](#)

Punaoa Faasino

1. Patrick Kearon, i le “A Conversation with Elder Patrick Kearon” (vitio), Newsroom, Dec. 8, 2023, <https://newsroom.churchofjesuschrist.org/article/elder-patrick-kearon-called-quorum-of-the-twelve-apostles>.
2. Camille N. Johnson, i le “The Church of Jesus Christ Launches Global Effort to Nourish Children and Mothers,” Newsroom, Nov. 9, 2023, <https://newsroom.churchofjesuschrist.org/article/the-church-of-jesus-christ-launches-global-effort-to-nourish-children-and-mothers-relief-society>.
3. Kristin M. Yee, i le “Thematic Session—SDG 1 No Poverty” (“Why It Matters”: The 1st International Academic Conference on the Sustainable Development Goals, Oct. 6, 2022).
4. Gerrit W. Gong, “O Loo Tautalagia linei le Alofa,” Liahona, Nov. 2023, 112.
5. Preston Dean, i le “Service Missionaries Help People Come to Christ,” Newsroom, Mar. 24, 2023, newsroom.churchofjesuschrist.org/article/church-service-missionaries.
6. Gérald Caussé, “The Blessings Will Follow: Benefits of Implementing JustServe” (vitio), [ChurchofJesusChrist.org/study/video/justserve-videos/2020-10-0100-the-blessings-will-follow-benefits-of-implementing-just-serve-1080p](https://www.ChurchofJesusChrist.org/study/video/justserve-videos/2020-10-0100-the-blessings-will-follow-benefits-of-implementing-just-serve-1080p).
7. Henry B. Eyring, “Auaunaga Musuia,” Ensign po o le Liahona, Me 2018, 64.
8. Dallin H. Oaks, “Fesoasoani i e Matitiva ma Mafatia,” Liahona, Nov. 2022, 6.
9. Jorge Arnez, i le “‘Now We Just Open the Tap’—Bolivian Community Finally Gets Water Through Church’s Help,” Newsroom, Aug. 16, 2023, newsroom.churchofjesuschrist.org/article/now-we-just-open-the-tap-bolivian-community-finally-gets-water-through-churchs-help.
10. Christopher Waddell, i le “Recent \$37 million in Church donations come after a year of unprecedented giving and service,” Church News, Sep. 28, 2022, [thechurchnews.com/global/2022/9/28/23365257/humanitarian-donations-giving-aid-emergency-response-welfare-service-justserve](https://www.thechurchnews.com/global/2022/9/28/23365257/humanitarian-donations-giving-aid-emergency-response-welfare-service-justserve).
11. Russell M. Nelson, “O Le Taimi Lenei,” Liahona, Me 2022, 126.
12. Todd Budge, “The Divine Gift of Creation: Our Sacred Duty to Care for the Earth,” Newsroom, newsroom.churchofjesuschrist.org/article/bishop-l-todd-budge-sacred-duty-care-for-earth.
13. Camille N. Johnson, i le “Church Gives \$32 million to World Food Programme in Largest One-Time Donation to Date,” Church News, Sept. 14, 2022, [thechurchnews.com/global/2022/9/14/23353487/church-gives-32-million-dollars-to-world-food-programme-largest-one-time-donation-to-date](https://www.thechurchnews.com/global/2022/9/14/23353487/church-gives-32-million-dollars-to-world-food-programme-largest-one-time-donation-to-date).
14. Anette Dennis, Facebook, Jun. 20, 2023, [facebook.com/RS1stCounselor](https://www.facebook.com/RS1stCounselor).
15. Shirly C., i le “Church Donation Provides Mobility and Independence to Guatemalans,” Newsroom, Feb. 7, 2023, newsroom.churchofjesuschrist.org/article/church-donation-provides-mobility-and-independence-to-guatemalans.
16. Nneka, “The Prodigal Grandmother,” Bay Area HOPE: A Publication of the Bay Area Rescue Mission (Summer 2023), Summer 2023, 2.
17. Russell M. Nelson, “O Poloaiga Sili Lona Lua,” Ensign po o le Liahona, Nov. 2019, 97.
18. Susan H. Porter, i le “Presidents Johnson and Porter Meet with Government Leaders on Women’s Issues in South America,” Newsroom, Sept. 23, 2022, newsroom.ChurchofJesusChrist.org/article/presidents-johnson-and-porter-meet-with-governmentleaders-on-womens-issues-in-south-america.

“E tele taimi, o mea tatou te faia e le vaai pe iloa e isi.
Peitai, e silafia e le Atua, ma Na te faamanuia i tatou pe a
tatou auuana atu i ni auuala filemu, ma lē mavaaia.”

—PERESITENE SUSAN H. PORTER, PERESITENE AOA O LE PERAIMERI

*“O i latou o loo naunau ina ia ta’ua o le nuu o
le Alii ua ‘loto e tauave le avega a le tasi [ma le
isi], . . . e faanoanoa faatasi ma e faanoanoa;
. . . ma [ia] faamafanafana atu ia te i latou
o e e manaomia le faamafanafanaga.”*

—PERESITENE RUSSELL M. NELSON,
PERESITENE O LE EKALEZIA A IESU KERISO O LE AU PAIA O ASO E GATA AI¹⁷

